



6

11-5


60



e. 6
U. 7.

6-11-5-60.

٥٠



A N D R E A E
 N A V G E R I I P A,
 T R I C I I V E,
 N E T I O R A T I O,
 N E S D V A E,
 C A R M I N A
 Q V E
 N O N N V L L A.



C A V T V M nequis Librarius hæc in-
 pune describat, uendaue, prout in Senatus Ve-
 neti, ac totius Italiz Principum decretis patet.

Est hic humanissime Lector cur & fragilitatis uitæ humanæ recorderis, & quantum magnis sæpe uiris fortuna inuidere solita sit, possis agnoscere. **ANDREAS** enim **NAVGERIVS** uir tum acri iudicio, tum dicendi arte, quanta uix alius: quum annum ætatis quartum & quadragesimum ageret: immatura morte præuentus, nec quæ iam pridem moliri cœperat, scribere, nec quæ iam scripserat, ut absoluta atque undique perfecta legerentur, facere potuit. nam quum ex Hispaniensi diuturna legatione uix dum Venetias rediisset, uis quæ alia belli maior, proxima æstate, aduentu Cæsaris in Italiam, exarsura esse uideretur: ineunte uere, celeri, ac (ut fieri potuit) citato cursu, orator in Galliam mittitur. unde in morbum incidens, quum uix primum patriæ officium præstitisset: Regem semel aut iterum allocutus, triduo ferè absumptus est. & quoniam uir summi ingenii, summq; etiam spiritus, & qui se ipsum probe cognosceret, quæ fecisset, non esse eiusmodi putabat, ut inuulgari citra sui nominis iacturam possent: dum tantæ existimationi, quanta iam ipse apud omnes eruditos omnium ferè nationum agebat: utpote nec polita satis, nec unquam recognita, non usquequaque responderent: quæcunque apud se habuit, igne deleuit. quod quidem coniectura colligi facile iccirco potest: quia & adolescens adhuc, quum se ad bonorum poetarum, ac cum primis Virgilii imitationem traduceret (ut eius ad Vulcanum epigramma testatur) syluas suas Statii imitatione factas exussit. nisi quis forte suspicari malit: ea furto alicuius, quo tum ille familiariter uteretur, periisse. nam erat re uera cum amicis omnibus minime dissimulator. Verum (utcunque se res habeat) libri eius de uenatione duo pulcherrimi heroico carmine scripti, & unus de situ orbis eodem stilo confectus, itemque lusus complures, quos alias amici eius legere, nusquam

gere, nusquam omnino apparent. atque, ut omittam laudationem illam, quam in funere Cypriæ Reginæ de Veneta Corneliorum gente nobilissima publice habuit: & alia multa, quæ pari iactura perierunt: quo piaculo dixerim luculentissimam historiam ab ingressu Caroli octauî in Italiam ad hæc usque tempora, tot uigiliis, tantoque labore deductam desiderari? sed quis hanc culpam præstare debeat? quando (ait poeta) ducunt uolentem fata, nolentem trahunt. Amici igitur hæc, quæ uides, & quidem pleraque imperfecta, quoniam omnino extabant: uel clanculum exscripta, quum adhuc essent in litura: uel familiaribus tantum immatura quamuis olim tradita: ueluti quasdam funeris eius reliquias collegere: satis pietati suæ datum existimantes, si haudquaquam penitus tanti uirî memoria tam exiguo uitæ spatio terminaretur. decreueruntque etiam propediem librariis dare Marcum Tullium, Terentiumque, & alios aliquot bonos auctores, quos ille industria sua penè incredibili, collatis omnibus ubicunque terrarum egit: exemplaribus, castigatiores effecerat. Tu itaque lector optime, siquid in iis te iuuerit: aut hæc non omnino displicebunt: precaberis interim tibi, ut quum diligens laboriosusque fueris, tuis tamen corporis melior fortuna non desit.



Monasterii
S. Michaelis
de Muria:
no Venetiar:
ad v.
Angeli Ca:
loguera Ab:
batis Bene:
dictino-Ca:
maldulensis.

I
ANDREAE NAVGERII PA
TRICII VENETI ORATIO
HABITA IN FVNERE BAR
THOLOMAEI LIVIANI.

BIBLIOTHECA NA
TIONALIS ROMANA
VITTORIO EMANUELE

SI QVANTVM in me doloris est, tan
tum esset ingenii: sperarem profecto parem me Bar
tholomaei Liviani laudibus orationem habitu
rum. cum uero ingenium, uel minus etiam quam
mediocre sit: tantus autem mentem dolor opprimat: ut is uel
maximū cuiusque ingenii uires possit infringere: si quidem flen
dum sit, nullus me magis idoneus: si praeclarissimae maximī hu
ius Imperatoris laudes celebrandae, nullus minus reperiri pos
test. sunt illae quidem tam illustres, ut omnium oculos in se
trahant: ut nemo sit, qui eas non uideat. quoties tamen mi
hi in mentem uenit: quam alieno hic tempore nobis ereptus
sit: concidit animus: quaecunque dicere institui, e memoria
omnia dilabuntur. dolere solum iuuat: doleo meo, doleo ip
sius, doleo reip. nostrae, doleo bonorum omnium, qui ubi
que sunt, nomine meo, quod illum, qui me unice amabat
quem ego uelut instar quoddam antiquitatis admirabar: tum
cum minime id timerem, amisi: ipsius, non quod mortem o
bierit (ea enim conditione natus erat: ut aliquando moreret
tur) sed quod, cum unum maxime expeteret: unum a diis im
mortalibus uotis omnibus optaret: ut reip. nostrae in eum gra
dum restituere imperium posset: ex quo proximis bellis col
lapsus erat: cum iam propē esset, ut id perficeret: subita mor
te interceptus, uoti compos fieri non potuerit. reip. nostrae
nomine doleo: quod, cum illa hoc gubernante, e maximis ac
turbulentissimis tempestatibus saepe seruata, portum iam aspi
ceret: erepto malo quodam fato gubernatore, medio in cursu
sit relicta. Substituiistis uos quidem patres optimi fortissimum,
ac sapientissimum uirum: quo ad gubernaculum sedente omni

timore uacui esse debetis : interruptus tamen est cursus ille : secundus ille status deseruit : multæ possunt in infido hoc mari existere tempestates : quæ , si non submergere , at perturbare tamē res nostras queant . iam uero tantum in illo bonis omnibus præsidium semper fuit : ut hoc uno amisso , omnia mihi iam amississe uideantur : hæc ipse cum mecum cogito : commūnemque hanc iacturam ante oculos mihi propono : ita succumbit dolori animus : ita atrocat̃ ab instituto suo mens : ut quod me uertam : quod principium sumam : nesciam . in uos quidem uniuerfos cum intueor : tristē mihi quandam ipsius mœroris faciem uidere uideor : doletis omnes : mœsti estis omnes : sed quo magis doletis , hoc diligentius funus ducitis : honores mortuo , quos potestis , redditis : frequentes ad me audiendum coitis : ita uos ad ea , quæ debetis : præstanda , dolor adiuuat : mihi , ad ea , quæ debeo , maximo est impedimento : cohibebo eum igitur : nec committam , ut minus ego gratus in meo obeundo munere , quam uos in uestro estis : fuisse uidear . Solent omnes , qui quempiam laudant : quæ si præscripto quodam , patriam , genus , educationem illius laudare : neque , id cum faciunt : sine certa ratione faciunt . Vt enim plantæ , cum bono e' genere lætæ , feraci solo depectæ , frequenti adiutæ cūltura sunt : tum demum uberes fructus serunt : sic in hominibus cæteris que animalibus , genus , patria , educatio , multum refert . quod quanquam ita fit : aliam tamen ego quandam in Imperatore hoc nostro rationem sequar . omnia , quæ uere alicuius dici non possunt : prætermittam : animi uirtutes , quæ illius , in quo insunt : uere esse dicuntur : eas dicam . neque id a me tamen eo fieri arbitramini : quo is ignobili patria ortus , obscuro genere natus , male educatus sit : sed & maiora sunt ea , quæ mihi proposui : & , hæc si persequar , longior sim : quam aures uestre pati possint . Quid enim ? Romam laudem ? at ea , si breuitati consulerō : multis laudibus defraudanda : si omnia explicare uoluerō : uel perpetua multorum scripta repetenda . de Liuiorum genere dicam : unus Salinator totum diem exposceret : possen

possem equidem de Frâncisco Bartholomæi ipsius patre fortissimo & clarissimo suæ ætatis uiro dicere : sed nolo ex hoc riuulo in id flumen laudem deriuare, ex quo in eius etiam maiores laus maxima redundat. At pueritia sub Napolionis Vrsi ni disciplina acta, sub Virginii adolescentia, commemorandas ad maiora festino. ego cum agrum fecundum uideo : etiam si ut cultus sit, nescio : neque agricolæ laborem conspicio : ex ipso tamen fructu bene cultum iudico. uos item cum maximarum uirtutum prouentum, qui uere animi fructus est, uideritis : bene cultum animum existimare debetis. his ergo omnibus iam relictis, ad ea, quæ mihi dicenda proposui, ueniamus. Sæpe ego mecum (quod & uestrum cuilibet sæpenumero conuenire arbitror) ea, quæ de ueteribus memoriz mandata sunt, repetere soleo. cum magnos illorum temporum uiros ante oculos mihi proposui : præclaros quidem multos, multos omni laude dignos inuenio : sed unus est C. Cæsar, quem admirer. ac fuit, cum multa, quæ de eo dicerentur, ficta esse arbitrarer : neque tot tam diuersorum generum uirtutes cadere in unum hominem posse censerem. hanc mihi Bartholomæus Liuianus incredulitatem ademit. Cæsarem ille omnibus, quicunque unquam fuerunt : imperatoribus anteponebat : Cæsarem maxime imitabatur : felicitatem assequi eius non potuit (neque enim hoc in nobis est) uirtutes ita affectus est : ut nemo unquam illi similior fuerit. ac ne mihi hoc loco ea, quæ de Cæsare scripta sunt : sint repetenda : quæ in hoc fuerunt dicam : uos ea, quæ legistis, taciti subiicietis. Primo quidem, quoniam de Imperatore loquimur : imperatoriz omnes uirtutes, ita summæ in hoc fuerunt, ut in nullo magis. consilium in Imperatore summum esse decet : nisi enim quæ agenda sunt : prius consuluerit : casu quasi quodam res eius omnes ferantur, necesse est. neque hoc tamen satis : cum recte quippiam consultum est : tum industria etiam quædam ac celeritas ad id perficiendum requiritur. Quantus in ambobus his fuerit Imperator noster : e multis præclarissimis rebus eius gestis licet cognoscere. sed ego omnia non persequar : pauca quædam

perstringam. Bello illo, quod inter Gallos atque Hispanos su-
per neapolitano regno acerrimum fuit: eo prælio, quod ad Ly-
rim gestum est, Hispanis affuit. longe superiores numero Gal-
li erant: obiecerant se tamen illis Hispani, quo transitu flumini-
bus prohiberent: sed cum hostium quotidie vires crescerent:
nemo propè in toto exercitu erat, qui non ab incepto desis-
tere, & munito se loco continere tutius arbitretur. unus hic
id sensit, quod solus nostra ætate ob res gestas magnus dictus,
tunc Hispanorum Imperator, & secutus Consalius est, & ei
ut perficeret, commisit. itaque ille pontem in Lyri paucissimis
diebus, semota quadam parte, tam secreto, ut id Galli nun-
quam rescierint: conficit. maximo silentio exercitum traducit:
hostes viribus suis confidentes, ac nihil tale suspicantes de im-
proviso adortus, in fugam uertit. tanta cedes facta, ut qui è
bello superfuerint: deditionem facere coacti sint. hoc ob fa-
cinus, ab egregio illo ac maximo Imperatore ita laudatus est:
ut multa etiam præmia & ab illo, & ab rege postea ipso con-
secutus sit. Sed quid ego ea, quæ pro aliis gesserit, conquirō?
nonne maxima sunt ea, quæ plurima pro nostra rep. nostros an-
te oculos, his bellis proximis facinora addidit? Germanico bel-
lo, cum omnes in nos aditus effera illa gens tentaret: omni ex
parte in nostros fines irrumpere conaretur: Cadubriensi cruen-
to illo prælio non solum compescuit: sed & multa eorum op-
pida uiccepit: atque eò tandem redegit: ut potius quemad-
modum sua tuerentur: quam ut aliena inuaderent, cogitarent.
atque ipsum illud prælium quomodo gestum est? occupato
Cadubrio, perfracta iam alpium claustra, iam patefactum in-
nos iter Germanis omnibus credebatur. & profecto nisi admi-
rabilis quadam uiri huius uirtus ipso in tempore subuenisset:
turbulentissima tum procella illa, res nostræ omnes procubuis-
sent. magnæ, quæ iam aderant copiæ, in dies augebantur: to-
ta in nos se effusura Germania uidebatur. quid hic interea?
cum longissime abesse putaretur: ducto magnis itineribus per
aspera quadam loca, atque oppleta niuib. exercitu, qua ne fe-
ris quidem unquam aditus patuisset: ita de repente, & à tergo
& ab omni

& ab omni parte se hostibus ostendit: ita omnem inclusis fugæ spem interceptit: ut subita illi atque inexpectata re perterriti, nec quid agerent satis scirent: & ad unum omnes, ne nuncio quidem cladis relicto, cæsi sint. Sapiens hoc ac salutare nobis consilium fuit, incredibilis celeritas: cum in omnibus hæc res, tum in bellicis multum ualet: hac omnibus Cæsar præstitit: plura hæc, quam militum multitudine bella confecit. hac noster Imperator nulli secundus inuentus est: hac magnis uos sæpius periculis liberauit. Ac, ne à Germanis discedamus: occupauerant proximo illi anno amenissimam illam, ac uobis opportunissimam Foroiulii regionem: suburbano uos uestro ca rebatis: possidebant hostes. magnæ equitum, magnæ peditum manus ad portum Naonis coactæ erant. obsidebat Opsopium alius exercitus: quod solum oppidum Hieronymi Sauorgnani fortissimi atque amantissimi reip. huius uiri, uirtute defendebatur. magni intererat priusquam id expugnaretur: & hostium uires coirent: iis, qui ad portum Naonis erant, occurrere. quin id ageretur, impedimento Hispani erant: qui cum ad Ate ste oppidum castra haberent: Patauii Imperatorem uestrum morari cogeant: neque is se inde commouere sine magno rerum uestrarum periculo posse uidebatur. sed persæpe euenit, ut ea facilius fiant: quæ factu difficillima putantur. consilium Imperator audaciæ plenum capit: omnem spem in celeritate ponit: cum expedita militum manu portum Naonis pergit: improuisos hostes occupat: alios cædit: alios capit: urbem recipit: nihil commoratur: magnis itineribus Opsopium ire contendit, nescio quomodo elapsus de hac cæde rumor paulo ante quam nostri adessent: Germanos, qui oppidum obsidebant, in fugam uertit. ita illi è nostrorum manibus erepti sunt: Opsopium obsidione liberatum. Imperator Patauium reuertitur. Hispanis, discessisse, hostes profligasse, rediisse, simul omnia nunciata sunt: ita nihil in nos moliri potuerunt. multa cogor præterire ne nimius sim: sed hoc nullo pacto prætereundum est: quod eodem anno in Hispanos paucis mensibus post id, quod commemorauimus facinus, gessit. Totis

illis aestiuus Patauio egressus castra munitis locis habuerat : & cum eo amplius ob militum paucitatem non posset : satis a' se fieri arbitratus erat : si hostem præda, ac populationibus prohibuisset . his hoc pacto ductis, cum ad Rhodigium iam Hispani, & propinqua circum loca in hyberna concessissent : & hic se tutissimos, tum obiectu Athesis arbitrantur : tum quod nostros maxime despiciebant : ut qui nunquam tota ætate nisi ad tumultuaria bella castris progressi essent : occasionem sibi oblatam Imperator noster ad egregium aliquid patrandum ratus, magno itinere tota nocte confecto, ignaris hostibus flumen superat : securos ac nil tale suspicantes deimproviso aggredditur . Rhodigio nullis resistantibus potitur : partim obtruncat : partim capit . sic callidissimam illam gentem fefellit, quod nisi militum lassitudo, quam longo ac præcipiti ex itinere contraxerant : fuisset impedimento : omnibus, qui uicinis erant in oppidis deletis, iam tum ab Hispanorum iugo nostras has regiones liberasset . multa præter hæc proferre possem, sed historiam non scribo : uirtutes maximi huius Imperatoris mihi strictim percurrendas sumpsi . ac iam satis ostendisse uideor, neque in deliberando consilium, neque in agendo industriam in eo unquam desideratam . Sed cum hæc in Imperatore necessaria sunt : tum id etiam opus est : ne in gerendis negociis ulli se labori subtrahat : ne pericula declinet : sed his potius se nonnunquam offerat . Mirum est quam is semper labores omnes non solum non subterfugerit : sed & ultro appetierit . corpore quidem paruo fuit : sed ita tamen a' natura compacto, ut laborum omnium esset tolerantissimum . hoc ille, quod a' natura habuerat : sic confirmarat : sic exercitatione auxerat : ut unus esset, cui labor omnis uoluptas esse uideretur . Non illum hyemis, non æstatis uis, non pluuiæ, non uenti, non niues, ab incepto unquam ullo retardarunt : iuxta omnia patiebatur : labores omnes primus subibat : postremus ab illis desistebat : uel gregarii militis opera nonnunquam, cum id res posceret :ungebatur . hac re fiebat, ut nemo in toto esset exercitu : qui, cum Imperatorem ipsum nulla in re sibi parcentem

parcentem uideret: non ultra uires etiam omnia toleraret. Audire, audite, praeclaram Imperatoris uestri super hac re uocem. cum saepe omnibus iam fatigatis solus indefessus persisteret: admirantibus iis, qui aderant, dicere solebat. Non pet inde ac militem (ut maior etiam eius sit labor) Imperatorem fatigari: ad militem nihil ex labore aliud quam lassitudinem peruenire: Imperatoris laborem magna ex parte leuari spe gloriae, quae consecutura inde uideretur. O, uocem magni indicem animi, eximia testem uirtutis, quae solam gloriam dignum se praemium arbitraretur: cetera omnia putaret contemnenda. At uero in periculis subeundis, qua fortitudine semper fuit: in hoc quidem multorum reprehensiones saepe perpessus est: qui audacius se periculis obicere illum dicerent: quam deceret Imperatorem: cuius consilio potius quam manu res geri debeat. sed haec illi parum, quo se is tempore periculis obiceant, considerarunt. non eo inficias Imperatoris consilium, militum manum, in bello exposci: sed incidunt tempora, cum uel maxime Imperator ipse in hostes irruere, primum se illis opponere debeat: cum scilicet laborat exercitus: cum superiores sunt hostes. non ne id aliquando Caesar: non ne alii saepe maximi uiri fecerunt: at is saepius quam alii: saepius enim aduersa laborauit fortuna. An (ut alia praeteream) in Abduensi illa clade, cum omnes in fugam turpiter uersi essent: capiendi tum consilii tempus erat: consilio scilicet inhiberi fuga poterat. & consilium tamen egregium id dici potest, quo usus est: & multis saepe profuit. in perdita iam re extremum tentauit remedium: expertus est, an qui aliter sisti non possent: cum solum illum, aut cum paucis pugnantem uiderent: pudore adducti in hostem reuertentur. nihil profecit: relictus, uulneribus multis affectus, captus est. at nec medici quidem, cum desperata iam salutis aegros curant: & periculosa adhibent remedia: semper proficiunt: at arti tamen suae obtemperant: neque reprehendi debent. anceps sit consilium necesse est, quo profligatis iam rebus succurritur. & nonnunquam tamen bene credit. Quid

proxime? cum conferto iam praelio, ac confecto prope, regi su-
peruenisset: acerrime Heluetii incumberent: labarent Galli: ita
dubia esset uictoria, ut inclinata prope Gallorum res esset.
nondum exercitus noster: ipse tantum, cum iis qui adsumt sitis
atque aliis admodum perpaucis adesset: nonne audax & per-
iculosum facinus aggressus est? cum paucis illis in confertissi-
mos Heluetios irrupit. id tempus exigebat. at irruptio illa
Gallos restituit: Heluetios in fugam uertit: uictoriam de-
mum regi faciliorem fecit. Non est cuiusquam prestare quid
eueniat: sed cum nihil eorum, quae recte aestimanti facienda esse
uideantur, praetermissum est: quicumque sequatur euentus, lau-
dari is, qui id egerit, debet: aduersam ille saepe fortunam per-
pessus est: nunquam sibi ipse defuit: omnia tentauit: omnia
expertus est: nunquam sine uulnere discessit: nonnunquam etiam
in hostium potestatem uenit. laudari debet, quod intentatum
nihil reliquerit: uacare culpa debet, quod successu caruerit au-
dacia. Sed non in hac solum re fortitudo omnis consistit. ma-
gnum quidem est res arduas praesenti animo aggredi: periculis
se obiectare: mortem non timere: sed alia quaedam est etiam for-
titudo: ex qua haec ipsa, quasi e radice quadam pullulat. hu-
mana contemnere: casus omnes despiciere: nulli homini, nulli
fortuna succumbere: altiore animum habere, quam ut ob-
ui iis, qui in hac uita sunt, fluctibus possit. id demum est ue-
re fortem esse: hoc qui consecutus sit, mirum si pericula, si mor-
tem non timeat. Fuit haec in Imperatore hoc nostro uirtus exi-
mia. humana omnia semper despexit. fortunae ictus ita exce-
pit, ut animo semper esset erectior: nunquam uictus est, quin
ualidior tanquam hydra quaedam, in hostem resurgeret: ut mi-
hi qui aduersam etiam fortunam uicerit, nunquam uictus fuis-
se uideatur. Dicit aliquis, spe quadam sustentatus est: nunquam
ita est uictus, ut se in hostem resumpturum uires non sperarit.
Funesto illo praelio, quod ad Abduam gessimus, captus est:
sine ulla exeundi spe, custodiae traditus: ibi per quadriennium
fuit: quid interea? langori se dedit? magnum illum animum
querelarum sordibus inquinauit? nihil minus. uidete qua
tranquillitate

tranquillitate fuerit: rerum suarum commentaria, aliquot de re militari libros, unum de instruendo exercitu, conscripsit. O fortitudinem animi singularem: quod alii nullis curis perturbati, pacatissimo in ocio, iucundissimis in secessibus, omnibus delitiis inuitati, uix faciunt: hic quin ageret, non carcer, non mille animum pertentantes curae, non qui illum ne quid scriberet, prohibebant custodes: impedimento esse potuerunt, multa scripserunt de hac uirtute philosophi omnes: uerbis illi, hic vitae exemplis eam ostendit. nec vero ceteris omnibus minus abundauit. Bellicae, quas haecenus diximus, uirtutes, speciosae illae quidem auditu sunt: nec sine illis magnus existere Imperator potest: sed & aliae tamen sunt, quae & maximo illi ornamento sint: & quamuis media in acie non uersentur: necessariae tamen admodum uideantur. ac primum quanta imperatorem iustitia esse debet? haec mater uirtutum omnium est: haec regula: sine hac ne latronum quidem coetus perdurare possit. summa in hoc fuit. Duo omnino sunt, quae iustitiam magnopere impedire soleant, odium, atque amor. qui odio adducti nihil iniusti egerint, perpauci admodum: qui amore, multo reperti sunt pauciores. ac ciores enim in bonis uiris amoris, quam odii stimuli sunt. neminem hoc ego unquam amicorum amantiorem noui: neminem, qui suos omnes magis dilexerit: eo usque tamen amore prouehabatur: ut cum sua omnia exposita amicis essent: nulli rei, nulli labori, ut illis obsequeretur, parceret: inter iustitiae tamen fines permanendum sibi esse iudicaret. Magna iustitiae pars est pietas: ut ab omni superstitione, sic ab omni impietate longissime absuit. re potius, quam ostentatione ulla deos coluit. In parentes is semper fuit, ut cum puer adhuc esset, nunquam tamen cessandum duxerit, dum Franciscum patrem a Paulo pontifice maximo, in custodia iamdudum habitum liberarit. Cum uero ii etiam, qui animos nostros rectis excolunt disciplinis: ii, qui nos instruunt, parentum loco sint habendi: qua pietate Napolionem Vrsinum, sub quo pueritiam egit, semper prosecutus est? Audiui ego. b

pius huius de illo sermones : ut optimum uirum, ut maximum Imperatorem laudabat : cum ipsa antiquitate comparabat : tam libenter, tam copiose de eius uirtutibus uerba faciebat : ut multis, qui aderant, nimius etiam nonnunquam uideretur. Fide, quæ fundamentum iustitiæ dicitur, qua fuerit, si apud alios uerba facerem : mihi uel in primis dicendum esse censerem : apud uos, qui eam experti estis : qui aliis testes esse debetis : hoc unum dicam, multos uos quidem habuistis egregios Imperatores : qui tot uirtutibus floruerit, fortasse nullum : tali fide omnino nullum habuistis. non amici illam, non hostes unquam desiderarunt. Iam eius liberalitas oratione mea ut cognoscatur, non indiget. tot mihi huius esse possunt testes, quot eam experti sunt. omnibus patebat : nulli fons iste claudebatur. id uere suum esse dicebat, quod alicui donasset : id fortunæ iniuriis non subiacere : eo se cæteris ditiorē esse ardentissime desiderare. Multa tum in priuata, tum in imperatoria vita sunt, quæ ab gerendis negotiis interpellent : sed maiore nihil ui, quam uoluptates. apposuit illas sensibus nostris quasi titillationes quasdam naturæ : his cum indulgemus : cum frena laxius remittimus : ab omni alia nos abstrahunt cogitatione. hinc data temperantia est : quæ eis moderetur. hæc habenas regit : hæc in girum eas rationis cogit : ac nobis obsequentes facit. hæc in Imperatore nostro singularis fuit. Venatione tum, cum in ocio esset, plurimum delectatus est : atque ea quidem uarie. cum robustiore esset corpore, in agrestes suos ferri : uersos aggredi : in difficillimis quibusque exerceri consueuit. mox ingrauescente iam ætate, leporum uenationes, falconum aucupia, secutus est. his delectatus, cæteras omnes, quæ corpori, atque animo officiant uoluptates, quantum potuit, aspernatus est : nunquam in earum potestate fuit. Epulabatur ille quidem lautissime : plurimi semper cum illo discumbebant : affluebant epulæ omne genus : nihil ad regium apparatus decrat : id scilicet splendoris opinabatur. ipse in hac abundantia uno semper cibi genere, & eo uiliori uescebatur. hinc robustum illud
& nullis

& nullis morbis obnoxium, hinc laborum omnium patiens corpus: hinc modico satiabatur somno: hinc nunquam hebetimente erat. Age uero quæ clementia, quæ humanitas in illo fuit? in nullo vnquam maior. atque hic mihi euellenda quædam e multorum animis, opinio est: quæ e quorundam aut maleuolorum, aut res non recte perpendentium sermonibus inhæserat. Crudelitas clementissimo Imperatori obiciebatur: quod multos sæpe milites morte multaret: difficiles ad eum esse aditus dicebantur: quod ira percitus semper esset. de crudelitate primum loquar. Ego, cum ueteres illos Romanos, cum militarem eorum disciplinam considero: hac una uideo cæteris eos gentibus præstitisse: hac una eo peruenisse, ut iidem imperii, qui terrarum, fines essent. non calliditate Pœnos, non Germanos ui corporis superabant: disciplina una erat: quæ inuictos redderet. hanc ita tuebantur Imperatores: ita seruabant milites: ut qui paululum modo in ea deliquisset: nulla ei esset poena: reuelanda. ob hanc Mallius ille Torquatus filium iussit interimi: & quod admirabilius est: filius ipse, qui ad mortem ducebatur: cum exercitum pro se in patrem seditionem parantem conspexisset, compescuit: affirmauit: que neminem tanti esse: ut ob illum corrumpi disciplina deberet. disciplinam ille scilicet, quæ patriæ uitam sustentari credebat: uitæ anteponebat suæ. Quid Appius Claudius? quid L. Paulus? non ne ex iis, qui loco cesserant, decimum quenque securi percussit? non ne idem micissimus principum Augustus? non ne alii Imperatores multi fecerunt? De Mallio non loquor: reliqui omnes se ueri semper, & boni disciplinæ custodes, nunquam crudeles sunt habiti. crudeles habiti essent, si paucorum quorundam salutem patriæ anteposuisent. Ignari scilicet ueteres illi ac crudeles omnes: nos sapientes ac mites: qui Imperatores nostros, cum non decimum quenque, ut illi, sed unum aut alterum ex toto exercitu, militaribus præceptis non obtemperantem poena afficiunt: crudeles arbitramur, mirum igitur si nos exteræ nationes omnes contemnunt: nobis omnes insultant. iam in nostros fines, non ut ad bellum aliquod periculosum, sed ut ad

prædam expositam ueniunt. Pudet, pudet inquam dicere, om-
 nem illam, quæ propria Italorum esse dicebatur: uirtutem
 amisimus. quod si disciplinam illam ueterem sequeremur: si
 Imperatores, qui restituere eam iam lapsam cupiunt: non cru-
 deles, sed fortitudinis, ac ueræ virtutis reuocatores crederemus:
 non audacius illi in nos irruerent, quam nos illos repellere-
 mus. Semper hic uel in hostes ipsos fuit mitissimus: præter
 eos, qui in ipso belli furore cecidissent: neminem unquam in-
 teremit. Si e militibus quempiam aliquando supplicio affecit:
 deliquerat ille: militares leges contemplerat. quod uos, si ue-
 stræ hæc urbanæ leges non seruentur, & facitis: & ni faciatis,
 omnia pessum eant: id in castris, ubi, si non adsit Imperator
 rum metus, uis dominetur necesse est: fieri non licebit? Soli-
 tus est Lacedæmoniorum dux Clearchus dicere, Imperatorem
 a militibus magis quam hostem metui debere. recte quidem
 ille: sed ego hostem metuat miles nolim: Imperatorem, uelim.
 Sed de his iam satis, pauca de iracundia dicam. Irascebatur il-
 le quidem nonnunquam uehementius. hoc cum naturæ, quæ
 eiusmodi erat: ut facile iræ fluctibus efferuesceret: tum uolun-
 tatis etiam erat. volebat ille irasci (ut aiebat) quod, cum se ne-
 que corporis proceritate, neque formæ dignitate quadam a na-
 tura honestatum uideret: si facilis ac mitis semper fuisset: ne
 contemptui esset, uerebatur: iracundia armari se quasi aculeis
 quibusdam dicebat. Sed ut hæc non probetur ratio: atque
 iracundiorem illum quam deceret, fuisse concedam. quid un-
 quam ira perturbatus fecit: quod sedato etiam animo non fe-
 cisset? actionibus usus est uerbis: at æqui ac boni terminos nun-
 quam prætergressus est: nunquam in bonos uiros exarsit: ma-
 gnæ semper & iustæ iræ causam habuit. si ea caruisset, non
 ille quidem melior fuisset vir: sed omnibus fortasse gratior:
 atqui cum ea deferbuerat, quam affabilis, quam comis erat? ni-
 hil eius consuetudine iucundius: nihil sermonibus urbanius
 inueniri poterat. Ingenio uero (ut ad id iam ueniamus) tam
 acri fuit: ut, cum literis paululum admodum uacasset: tam
 apte, tam acute, tam cum omnium liberalium artium perit-
 is, quod

tis, quod sæpius facere consueuerat : de his ipsis, quæ illorum artibus continentur, rebus loqueretur : ut omnia de illis scripta euoluisset, omnia excussisse uideretur. qua in re multum eloquentia etiam quadam admirabili adiuuabatur. huius tantum ex eius ore flumen profluebat : ut omnes secum, quo uellet, raperet. audistis nos cum sæpe Patres conscripti : & ita audistis : ut cum plurimum eius oratione delectaremini : animos tamen uestros impelli, atque in illius sententiam non inuitos trahi sentiretis. fuit hæc reipublice nostrae per sæpe summopere utilis eloquentia, cum apud uos, tum uero apud milites maxime. si ad pugnam cohortandi erant : nemo acrius incitabat : si aliqua de re castigandi : nemo grauius, nemo seuerius reprehendebat : si consolandi : nemo lenius ægris animis medebatur. Multa iam à me de maximi huius viri laudibus dicta sunt : neque id tamen, quod maxime ad rem attinet : quantam militaris disciplinæ scientiam habuerit, ullo modo prætermitterendum est. Floruit hæc quodam tempore maxime disciplina : tunc scilicet, cum ueteres illam Romani coluerunt. multi tunc in ea viri excellentes & clari extiterunt : neque id mirum. omne studium, omnem operam in ea omnes collocabant : eam non solum, quod & opes & honores pareret, sequebantur : sed, cum uariis quotidie uexarentur bellis : neque ulla perfrui quiete possent : necessitate etiam quadam ad illam compellebantur. postquam uero omnibus deuictis, pax Italiæ parata : bella aut nulla, aut longe à domo gerebantur : exarscere ac collabi paulatim cœpit. Hispaniæ, Galliæ, Pannoniæ, extremæ cæteræ imperii prouinciæ, suis quæque legionibus custodiebantur. hæc cum in iisdem locis diutius permanerent : in externos mores paulatim mutatae, in his, quæ cuique obuenerant, regionibus, ad hoc usque tempus perseverarunt : disciplinam assiduam bellis exercitæ, non ex toto amiserunt. In Italia, in qua, uel nullæ relictæ legiones : uel, si quæ relictæ, longa pace mollior, ocio se atque inertiae tradiderunt : omnis penitus euacuit. atque eo tandem uentum est : ut paulo supra nostram ætatem, quoties bella Italiam gerenda essent, conducendus e-

316
Germania aut Pannonia miles esset : Itali, uel tubarum sonum
atque armorum splendorem reformidarent. nostra demum a-
te excitari aliquantulum sopita illa uirtus coepit : sed pauci ta-
men, qui antiquam illam disciplinam scirent, inuenti sunt. Impe-
rator noster q̄ exacte illam calluerit, uel ex hoc considerate. Cum
primum Imperator est uester factus : ita corruptum exercitum
accepit : ut ad alia omnia potius, quam ad gerendum bellum
idoneus uideretur . fecit id, quod in Africa Q . Metellus Iu-
gurthino bello fecit : arctioribus legum uinculis astringendo,
continuis laboribus fatigando, ordini assuefaciendo, grauissi-
mam iis, qui locum desererent, poenam proponendo, ita bre-
ui correxit : ut eo & res uestras acerrime tutatus sit : & egregia
multa facinora adiderit : & hostibus, quibus antea contemptui
erat : formidabilem reddiderit . Affui ego nuper, cum per eas
iter faceret regiones : in quibus, cum ob non satis perspectos
incolentium animos, tum ob propinquos hostes multa timen-
da essent . tam caute incedebatur : ita ordinem seruabant or-
dines : ita ab agmine discedebat nemo : ita uel calones ipsi sub
suis signis ibant : ut ego, & reip . nostrae maxime gratularer : &
disciplinam iam antiquam illam restitutam arbitrarer . Iam
uero in reliquis artis huius partibus, expugnandis, defenden-
disque urbibus quantus fuit ? nolo nunc uobis, ut septimo ab
hinc anno, Carnuntum, Noriciam, Tergeste, Postoniam mu-
nicissimas urbes, in ditionem uestram redegerit, commemorare :
nemo est, qui nesciat. hoc unum dicam iam Brixiam, iam Verona
potiti essetis : si seuissima id nobis mors non inuidisset . Scio
quid loquar : coniectura non fallor : nihil illi inuium, nihil fa-
tis munitum esse poterat : omnes aditus, omnes expugnatio-
num modos, omnes astus, norat . Idem, si aliqua defenden-
da urbs esset : ita omnibus hostium conatibus ire obuiam scie-
bat : ut nihil in eum tentari posse uideretur : quod non irri-
tum fieret . Testis mihi sit celeberrima illa Braccani oppugnatio :
quam ita tolerauit : ut, cum urbs undique innumeris Ale-
xandri pontificis maximi copiis, qui Vrsinum nomen delere
instituerat, premeretur : hic cum quingentis tantum propu-
gnatoribus

VIII

gnatoribus resisteret : non solum eam tutatus sit : sed & facta
 sapius eruptione , multos trucidarit : tormenta oppugnatoria
 non pauca abduxerit : ab obsidione desistere denum coegerit.
 Sed quid ego aliunde testes uoco ? satis amplum mihi testimonium
 præbere urbs vna Patauium potest . non ne hæc ab His-
 panorum ac Theutonum impetu conseruata , his deinde ab il-
 lo aggeribus , his turribus , his fossis munita : ut vna omnes
 omnium vndique gentium exercitus , omnem vim , contemne-
 re : ac nostræ non solum reip. sed totius etiam Italiez propu-
 gnaculum quoddam ualidissimum dici possit : non ne id doc-
 cet ? nihil in hac esse bellorum scientia , quod huius ingenium
 subterfugerit . Tormentis quidem illis bellicis , quibus nos ita
 antiquitatem superamus : vt his iam solis prope bella omnia
 cõficiantur : urbes certe nulla re magis aut expugnentur : aut
 defendantur : non solum optime vti , sed & ea qualia esse , qua
 ratione fieri deberent : tam exacte norat : ut eorum etiam ar-
 tifices , multa nonnunquam ab eo docerentur . Ex his tot
 ac tantis , quas de hoc viro commemorauimus virtutibus : ma-
 ximam apud suos , maximam apud hostes auctoritatem con-
 secutus est . Atque in secunda quidem fortuna , maximi ab ho-
 stibus fieri & usitatum , & non magnum est . hic cum tertio ab
 hinc anno infœliciter in Hispanos , ad Vincentiam pugnatum
 esset : & se post incommodum illud , Patauium recepisset : tantæ
 tamen apud hostes existimationis fuit : ut hoc vno urbem uo-
 bis illam conseruatam putem . An creditis longitudine itine-
 ris , viarum asperitate , timore aliquo noui exercitus , quod ur-
 bem scirent munitissimam , hostes retardatos ? nihil horum
 fuit . non longe aberant : faciles vndeque accessus erant :
 omnes uestras vires in eo , quem ipsi fuderant , exercitu , positas
 sciebant : vrbs ipsa nondum iis , quibus nunc est , munitioni-
 bus erat instructa . quid igitur eos deterruit ? vnus Impera-
 tor uester : vnus inquam Imperator uester uobis eo tem-
 pore urbem illam , qua spiritum ducitis , conseruauit . Tanti
 illum faciebant : vt aegre se victoriam consecutos crederent :
 urbem uero , in qua ille esset , expugnare , penitus desperarent .

111
Considerate iam ea, quae à nobis haecenus dicta sunt: nihil
huic, quod ad optimum virum, nihil, quod ad summum Im-
peratorem constituendum opus sit: defuisse inuenietis. vna
defuit fortuna. haec cum illo acerbissimum semper bellum
gessit. uoluit scilicet id uerum esse ostendere, quod de ea di-
ci solet: aduersam saepe consilio esse. nunquam hic non o-
ptime consuluit: nunquam iis, quae ad perficiendum id;
quod consultum est, pertinent: caruit: bono saepe successu ca-
ruit. at hoc quidem praestare potest nemo. Maiores for-
tunae accessione virtutes eius fieri non potuissent: illustrio-
res potuissent. nullius vnquam res gestae Imperatoris, si con-
silio fortuna subscripsisset: admirabiliores fuissent. multis se
illa magnis, atque egregiis huius consiliis opposuit: multas
cogitationes ab eo, quod destinarat: saepe diuertit. atque, ut
alia omnia praeceam, quis extremo ex hoc actu, cuius maxi-
ma, vt quis foelix aut infoelix dicatur, ratio habenda est: non
fortunae in illum iniuriam cognoscat? plurimos toto hoc se-
ptennio, cum in misera illa captiuitate, tum postea aduerso
hoc ac difficili reipu. nostrae tempore, labores pertulerat: cels-
sisse iam tempestas omnis, atque inducta quaedam tranquill-
tas vi debatur: parta regi socio atque amico uestro de Helue-
tiis victoria, Hispanis referre pedem coactis, nihil erat, quod à
uobis ille, quod à rege sperare non posset: iam de illius uos,
de suorum ille militum praemiis cogitabat: cum ecce malo
quodam fato, non ferro, non tormentorum ictu ullo, sed;
quod miserimum est mortis genus, ui morbi extinctus est.
O importunam sortem: o inuida nonnunquam fata: quan-
tum aberat, ut Verona ac Brixia receptis, quod uel solo eius
aduentu fieri posse credebatur: nos rebus iam per eum nostris
in tuto collocatis, omnibus eum honoribus, omnibus laudi-
bus prosequeremur: ille gloria quadam immortali frueretur.
multo tum illi minus acerba fuisset mors. quanquam eam hac
animi fortitudine tolerauit: qua alia aduersa, multa solitus est
perferre. vnicum, & eum nondum bimum puerum, tres ado-
lescentulas, & egregiae indolis filias, praeclarissimam, ac sui aman-
tissimam

tissimam uxorem relinquebat : relinquebat hos omnes , qui hic
 adsunt : hos a paruulis ipse disciplina instruxerat militari : hos
 ut filios diligebat : horum opera in multis bellis usus fuerat :
 neque unquam non fortissimos , ac sui amantissimos uiros no-
 rat : relinquebat demum hanc nondum in tuto collocatam
 remp. Non negare se dixit ob hæc omnia sibi mortem acery-
 bam esse : consolari se tamen , quod neque orba filiorum ætas ,
 neque uidua ac sine præsidio futura uxor uideretur : uos or-
 mnes non ut tutores solum , sed ut bonos parentes illos am-
 plexuros , hanc protecturos pro comperto habere . amplissi-
 mum hoc patrimonium , firmissimum præsidium esse . Quod
 uero his suis ea , quæ a se mererentur præmia , reddere non po-
 tuisset , id ferre ægrius : eam tamen in uobis prudentiam sem-
 per nouisse : ut speraret uos eorum uirtutem non paruifaciu-
 ros : neque ullo sumptui parsuros , ut hoc fortissimorum iuue-
 num robur , has uires , reipu. uestræ , cui magno usui esse pos-
 sunt : conseruetis . vltimum illud , quod , cum adhuc nostra
 eius operam desideraret resp. tum moreretur : id sibi esse gra-
 uissimum . Sui quidem nullam curam habere : sexagesimum
 iam annum complexisse : satis uixisse , post mortem non dubitare
 sibi æternam inter deos sedem paratam : unde hæc humana de-
 spiciens , ueram illam ac bonis omnibus affluentem uitam de-
 gat . Hæc cum dixisset , iis omnibus , quæ a religione præci-
 piuntur , peractis , ita tranquille decessit : ut non aliam in ui-
 tam , sed aliam in domum commigrare uideretur . opinione ego
 illum sua frustratum non arbitror : inter deos sedet : pace frui-
 tur tranquillissima : iam foelix dici potest : sed illius infœlix do-
 mus : hæc me dolore conficit : hæc maxime perturbat . minus in-
 foelix puer , quod , cum nihil adhuc percipiat , quo patre sit pri-
 uatus , nescit : an eo fortasse etiam magis infœlix , quo minus
 infœlicitatem suam sentit ? infœlices certe filia : quod & id iam
 cognoscunt : & ea ætate sunt , quæ nullas ad resistendum dor-
 lori uires habeat : infœlicissima uxor , quæ & filiarum lachry-
 mis affigitur : & quo foelicio prius esse omnibus uidebatur :
 hoc acrius dolet . Soli uos patres optimi his omnibus uul-

neribus mederi potestis : amplexamini totam domum : nullum,
quod pios uiros deceat : officium prætermittite : sic & illi, si quis
mortuis eorum , quæ hic sunt : sensus est : pergratum facietis :
cum sua se spe frustratum non uidebit : & uos uestrum munus
implebitis : ac grati ab omnibus iudicabimini . debetis hoc uos
illi multas ob causas : sed ob hanc maxime , quod ob tempus .
uestram obuisse mortem dici potest . dum enim nulla sibi pro
illa in re parcit : dum eos etiam , qui tolerari nequeunt , liben-
tissime labores subit : nullam de salute sua curam gerit : in eum
morbum incidit , quo extinctus est . quæ itaque suscipiendo/
rum laborum , eadem mortis causa dici debet . Ei igitur , qui
pro uobis mortuus est : reddite , quæ debetis . uitam illi non po-
testis : iis , quibus maximo emolumento erat : reddite . id ita de/
um a' uobis fiet : si filii mortuum patrem non cognorint :
uxor uiri præsidium non desiderarit : ipsius ii , qui adsunt fami-
liares , quæ ab eo sperabant : a' uobis fuerint consecuti . Extre-
mum id a' me fortasse nunc expectetur : ut hunc , quem ex egre-
gii huius Imperatoris morte mœrorem in omnibus uideo : uer-
bis coner mitigare : qui ego id possum ? qui ab aliis sim conso-
landus . Sed abiicienda tamen hæc omnis animi mollities : su-
menda illa uirtus , qua hic plurimum polluit : ferenda sunt le-
uiter omnia : omnibus est aduersis casibus resistendum . Vos
quidem , qui eum semper secuti estis , qui eius semper uirtutum
spectatores fuistis , hoc uel in primis decet . turpe est uobis , qui
nullos unquam hostes , nulla tela , nulla mortis pericula refor-
midastis : nunc dolori manus dare . Induite illam animi fortis-
tudinem : quæ fortissimis , & quales uos estis , uiris conuenit .
an si uel paucis uobis in confertissimos sit hostes irrumpen-
dum : in instructissimas mille acies incurrendum : iubente id im-
peratore uestro recusetis ? noui ego uos : noui animorum ue-
strorum fortitudinem : noui amorem , quo illum prosequeba-
mini : ne morte quidem propolita absterremini . Nunc cum
idem ille Imperator uester iubeat , ne diutius doleatis : morem
non geretis ? iubere autem id illum , si quis totam ab eo actam
uitam consideret : si uos præcepta ea , quæ quotidie auribus ue-
stris inculcabat

stris inculcabat, recordari uelitis: ita nulli dubium esse debet, ut hoc uno dolore uestro, uel maxime eius quietem perturbari putem. ferrei profecto fuissetis: neque humani quicquam in uobis fuisset: si hac tanta calamitate accepta non ingemissetis. sed iam dolori indultum satis: nunc omnem eius uim in hostem conuertite. ite, reip. subuenite: eum, quem debetis imitari: nolite committere, ut Imperatoris morte languidiorem militum uirtutem factam, hostes gaudeant, nos tristemur: ad hoc uos dolor incitet: ad hoc impellat. Vos uero reliqui omnes, qui adestis ciues, & horum, & aliorum, qui uobis ad sunt, uirtute confisi, de rep. nihil dubitate: & omnem, quem ob hanc causam conceperatis: dolorem deponite. illius etiam causa non est, quod doleatis. bene cum illo actum est: ex misera hac uita in æternam illam sublatus bonis omnibus fruitor. neque uero cum recte considero cuiusquam mihi desenda mors uidetur: tantumque abest, ut eum, qui ex hac uita celerius commigrarit: infelicem iudicem: ut eo etiam foeliciorem putem. si quis se uia quadam in mari existente tempestate, multis simul soluentibus, quam celerrime omni uentorum ui, omni pelagi impetu superato, in portum, quo cursum direxerat, prouehatur: nonne is foelicitissime iter suum confecisse dicendus? reliqui quo diutius commorentur eo infeliciores habendi sunt: ita profecto se res habet. Simile ego quoddam in uita hac nostra reperio: nihil illa aliud est, quam in procelloso quodam mari nauigatio. ægritudines, mollitiæ, calamitates, aduersa alia, quasi huius uitæ tempestates dici possunt: portus ipse, quo cursus omnibus dirigendus, mors est. cur igitur qui in hunc portum ex illis fluctibus celerrime nauigarit, non eo haberi foelicior debeat, quo citius tot malis creptus in tranquillo constiterit. non probatur hoc ita uobis fortasse, ut foelices esse cupiatis. non probetur sane: at eos tamen, qui eo peruenerint, non luctu prosequamini: sed foelices ducite: ac si de uobis bene promeriti sint: non lachrymis, sed diuinis honoribus colite.

M .

D .

X V .

Die

X .

Nouembris .

ANDREAE NAVGERII ORA
TIO HABITA IN FVNERE
LEONARDI LAVRETANI
VENETIARVM PRINCIPIS.

CREDO EGO, si quis eorum, quæ a nobis geruntur, mortuis sensus est: Leonardum Lauretanum, cum ornatissimas has, quas illi celebratis, exequias, hanc pompam funeris, hunc nobilissimum conlessum uestrum, hunc uniuersæ ciuitatis mærorem uidet: quod ex his omnibus quamplurimorum illius in reipublicæ meritorum memores sitis, cognoscit: & libentissimo hæc animo accipere: & non parum beneuolentia, & pietate hac in se uestra lætari. Neque tamen, si quis recte consideret: ulla re illum magis gaudere, quam his laudibus, hac uirtutum suarum prædicatione existimandum est. ut enim reliqui honores omnes, quibus uos mortuos Principes uestros ornare consueuistis: & quos nunc huic cumulatissimos redditis: & maximi sint, & pro amplitudine imperii, ac reipublicæ dignitate constituti: opulentiam tamen quandam potius, ac reipublicæ splendorum præ se ferre uidentur: quam ut illi, cui tribuuntur, quicquam afferant: quod illius dici iure possit. laudationes hæc propriæ illius sunt, qui laudatur: neque quicquam ex his sibi alius uendicat. ac per aliquot, illi, dies in uulgi ore sunt: paulatim deinde e memoria excidunt: & breui tempore contabescunt: atque, ut diutissime durent: memoriam certe hominum, qui eos uiderint, non excedunt. hæc, si quis recte eas scripserit, in dies augefcunt: neque ullo tempore conficiuntur: sed ex eo potius uires sumunt: atque omnem superare posteritatem contendunt. atque illi, & eo tantum in loco, in quo exhibitæ sint: atque ab iis tantum, qui affuerint, spectari queunt. hæc, totum orbem peragrantur: hæc, se omnibus passim ostendunt: atque eodem etiam tempore diuersissimis in locis esse

possunt. non immerito igitur, ut quisque est optimus, ita maxime laude ducitur: nec uehementius ullum in bonis omnibus desiderium est, quam gloriæ. difficilem quandam, & laboriosam uitæ rationem suscipiunt: qui uirtutis uia niti constituerunt. nulli illis, non uel ultro suscipiendi labores, nulla non pericula subeunda, omnes contemnendæ uoluptates, acerbæ sæpe omnia perpetienda sunt. neque tamen tam agresti, ac fero animo quilibet habendus est: ut credendum sit, iis illum, quæ naturæ aspera, atque inimica sunt, delectari. quid ergo est? una laudis spes ac gloriæ, pericula & labores leuat: uoluptatum illecebras negligit: acerbitates mitigat. hæc ut umbra uirtutem sequitur: atque ea merces est, quam unam illa moleltiarum omnium exposcit: hæc tam acres bonorum animis stimulos admouet: ut non solum, qui uitæ eam commodis antefereant, inuenti sint: sed multi, & hi maximi ac fortissimi uiri mortem ultro subierunt: ut immortalē sui memoriam relinquerent. hoc pacto se uitam, quæ breuis admodum data nobis est: longissime proferre posse, atque æternam prope efficere arbitrati sunt. Quæ cum cognoscerent maiores nostri: hanc bonis a natura insitam cupiditatem gloriæ, non solum alere, sed augere etiam, si fieri ulla ratione posset: reip. utile existimauerunt. atque ut in omnibus reip. partibus alia multa diuinitus, sic ad cæteros hos honores, qui defunctis Principibus constituti sunt: laudationes addi, & eorum celebrari uirtutes uoluerunt. his enim, non solum qui recte reip. præfuerint, quæ meriti sunt, laudis præmia consequuntur: sed reliqui etiam, qui idem subituri munus sunt, ad recte agendum accenduntur: cum recte factorum gloriam non secum mori, sed ita memoriæ mandari uident: ut tum maxime diuturnioris illam uitæ initium sumere, affirmare possimus. Vnum fortasse sit: quod hoc tempore, in uestra hac pietate, in hoc tam grato in Principem uestrum officio, desiderari possit: quod non is illi laudator contigit: qui dicendo illius assequi uirtutes queat: qui idoneus sit, quæ plurima ille semper æternitate digna gessit, ita scriptis mandare: ut ad posteros peruentura, & in omne æuum celeberrimum

lebertimum illi nomen prorogatura uideantur : sed ne ob hoc quidem , siquis id diligenter perpendat : quicquam est , quod queri possit . uos quantum in uobis est , omnia quæ a' gratis animis expectari possunt , præstatis . funus amplissimum pro eius in uos meritis , & reip. opibus ducitis : adestis ad id honestandum frequentes pat. optimi : adest uniuersus populus : nemo omnium est , qui non illum , ut optimum reip. parentem raptum fleat : qui non illum , quamuis tardissima senectute consumptum , ut primis tamen annis acerbissime ereptum conqueratur . ad hæc , eum ego pro concione laudare iussus sum . nihil , quod officii uestri esset , relictum a' uobis est . a' me est , siqua in re minus illius meritis satisfactum esse existimari debet . ego uero eas præclari huius Principis virtutes esse animaduerto : ut nullius unquam tanta dicendi vis , tanta ingenii facultas fuerit : quam parem illis celebrandis putem . quamobrem non mihi id vitio uertendum est : si eas assequi non possum : sed eo' ille admirabilior haberi debet : quo illius laudes , non mea solum , quæ minor etiam quam' mediocris est : sed & omni eloquentia maiores sunt . neque uero ob id sileri de illis decet . male enim se res habeat : si quo' plura ac maiora in quopiam ornamenta sunt : quod difficile sit illa oratione complecti : eo' de illo minus dicatur : atque eo præmio , quod vnum maxime virtus exoptat : ob virtutem maxime defraudetur . enitar igitur quantum a' me fieri poterit , eo munere , quod mihi iniunctum est , recte defungi : cui tum ego profecto satisfecisse existimandus sum : cum illa , quæ a' me dici poterunt , pro ea , quæ in me est dicendi facultate , explicaro . Primum omnium , quoniam de eo mihi Principe uerba facienda sunt : in quo vno , quæ in hominibus laudari solent , cumulatissime omnia inuenta sint : non id mihi solum considerandum est , quid a' me dici , sed multo magis , quid eorum , quæ plurima suppetunt , omitti oporteat . si enim ea , quæ dici possent , persequi omnia uoluerit : neque id , quod mihi ad dicendum temporis datum est , sufficiat : neque aures fortasse uestre pati possint . De pulcherrima igitur hac urbe , præclarissima hac repu. maximi imperii

se-
de, libertatis domicilio, totius Italiae, atque adeo terrarum
omnium tutissima quadam arce, & ipsius Principis, & nostrum
omnium patria communi, nihil est, quod hoc tempore dicen-
dum putem: quanquam enim non parui ad gloriam refert,
qua quisque in ciuitate sit natus: & ipse etiam præclarissimus
imperator Themistocles, si Seriphius natus esset, nunquam se no-
bilem futurum fuisse confessus sit: multo tamen ego ea magis
laude digna arbitror, quæ in homine ipso sunt: quam hæc ex-
terna, & quæ fortunæ arbitrio dispensantur. quamobrem de
ipso etiam Leonardi genere, quod & multo etiam uobis,
quam mihi est notius: non est, quod à me multa expectetis.
sed ne de tam illustri tamen familia omnino nihil audiat: ut
hoc vnum dicam. uti Romæ e' Curionum genere plures quon-
dam dicendi facultate, e' Scauolarum, iuris scientia præstite-
runt: ita Lauretanam familiam fato quodam huic reipu. da-
tam: quæ seminarium quasi quoddam summorum esset impe-
ratorum, omnes prope huius reip. opes, omnis dignitas, quæ
maxima est, maritimis rebus creuit. multa mari maiores no-
stri egregia facinora sæpe gesserunt: multa hoc tempore quo-
tidie à præclaris Imperatoribus uestris, cum res exigit, gerun-
tur: atque ea semper nostrorum in hac re virtus apparuit: ut
non sine causa iam tot annos maris imperium Veneto nomini
concessum sit. sed si quis omnia recordari, aut ex annalibus
querere uoluerit: plures prope ex vna Lauretanorum familia
imperatores rem præclare gessisse, quàm ex reliquis omnibus inue-
niet. ut mihi diuina quadam mente nomen huic familiæ indi-
tum videatur: quæ omni bello superior victoriæ semper lau-
ream reportaret. Neque uero ex hoc genere ego quenquam
nominabo: ne de Hieronymo quidem Leonardi patre, & viro
optimo, & sapientissimo senatore quicquam dicetur: vnius mihi
sit Leonardus satis: ad cuius vnius laudes celebrandas omnes
orationis meæ vires, quantæcunque hæ sunt, conferantur. qui
cum præclarissima domi exempla haberet: ac maiorum sibi
suprum virtutem, non solum quam imitaretur, sed etiam quam
superaret, proposuisset: ita id consecutus est: ut in eam fami-
liam, quæ

liam, quæ nullo pacto fieri illustrior putabatur: multum tamen luminis intulerit. Ac mihi quidem sæpenumero cogitanti, quam multa ab iis, qui præclaris et maioribus orti sunt, expectari soleant: quamque illis, si uel minimum quid deliquerint, nihil ignoscatur: dubium visum est, melius ne ac conducibilius homini sit, non ex ignobilibus quidem viris nasci, sed ex iis tamen, qui non ita magni fuerint: ut eorum nobis gesta oneri futura sint: & eam fortasse expectationem excitatura: quæ nullo pacto sustineri à nobis possit. & profecto ita se rem habere comperio: quanquam hoc admodum tutum sit: nam & facilius errato est uenia: & si nihil feceris, non exigitur: siquid egregie feceris, id, cum non ut debitum præstes, gratius, ac magnæ tibi laudi est: longe tamen maiores res ab illis geri: quos & expectatio hominum, & parentum virtus excitet. hæret enim eorum animis quasi fax quædam, assidua cogitatio: quæ noctes diesque illos ad egregium agendum aliquid inflammet: quo maioribus suis digni reperiantur: ac patrimonium gloriæ sibi ab illis relictum & tueri, & augere possint. hoc (ut alios omittam) in Principe hoc nostro facillime cognosci potuit. nihil erat, quod ab hoc homines non expectarent: sic maiorum ille suorum virtutibus excitatus est: ut omnium tamen expectationem vicerit: tantum gloriæ à maioribus suis acceperat: ut difficillime eam tueri posse crederetur: sic illam auxit: ut non eos solum, sed omnes, qui vnquam fuerunt, principes superarit. at uero antequam de iis, quæ ab eo in principatu gesta sunt, loquar: totus ex ordine egregii huius viri cursus, quo ad altissimum dignitatis gradum ascendit: proponendus uobis est: & ut quæque ab eo gesta sunt, ita quæque dicenda, ita ut ne incunabula quidem ipsa tanti principis prætermittamus. Cum puer esset: egregia quædam pulchritudo & probitate, & præclara ingenii adiuncta indole, sic in illo elucebat: ut cum multum ab his illa ornamenti acciperet: non minus tamen illius hæc essent commendatione gratiora. primam hanc illæ ætatem in literarum studiis exegit: ac, quod mirum omnibus videri possit, tantum puerili illa institutione, quæ vix primis

percipiendis rudimentis satis est, profecit: ut nunquam postea
sit literarum expertus habitus. Ut primum uero e' pueris excel-
sit: simul ea, quæ se prius ostenderant, augeri videbantur: si-
mul prudentia ac virtutes omnes pullulare, atque admirabili
quodam prouentu se efferre cœperunt. cum'que ille iam quæ
maiorum suorum virtus fuisset, quid ab se illis deberi crede-
retur, consideraret: ac non multo post, cum tempus esset, ca-
pescendam sibi remp. constituisset: non in vmbra, atque ocio
interea delitescendum, neque quid agendum esset, e' libellis qui-
busdam ediscendum: sed in solem atque aciem sibi prodeun-
dum censuit. ac maiorum quidem ille nostrorum morem at-
que institutum id secutus est: quo ego vno seruato, nostram
remp. maxime auctam, intermisso, non parum debilitatam pu-
to. Existimarunt maiores nostri, eos, qui ad remp. admini-
strandam admittuntur: omnium rerum peritos esse oportere:
facillime enim in scopulos intrudi tempu. posse: si imperitos
commissa sit. adolescentes ideo ac iuuenes sic instituiunt cum ad
remp. accedunt, gnari sint rerum, quæ necessariae sunt: summo-
pere utile & tutum esse crediderunt. præterea ut maximæ reip.
diuitiæ, cum usus posceret, præsto' esse possent: omni studio
sibi perficiendum esse opinati sunt. has enim non pacis solum
ornamenta, sed cum nonnunquam bella, uel inuitis etiam su-
scipienda sint: nervos illos esse, quibus maxime reip. vires su-
stententur. ad hæc cum admirabilem, & munitissimum hunc
huius urbis situm intuerentur: quo nulli exercitus, nulla vis,
nulli hostes, omni aditu mari intercluso, peruenire possint:
tum demum & hanc se inexpugnabilem reddituros, & rem ve-
netam maxime auctam iri arbitrati sunt: si mare, quo solo adiri
potest, ualidis classibus possiderent. hæc tria illi cum sibi effi-
cienda proposuissent: admirabili quadam sapientia vno omnia
instituto assecuti sunt. constituerunt enim, ut complures quot-
annis onerariæ triremes, quæ mercaturam exercerent, ad omnes
nostri maris oras, & extra hoc etiam quædam, nauigarent: at-
que in his patricios ire adolescentes uoluerunt. ex hoc id esse
factum est: ut, cum illæ, omnes propè maritimas Asiæ urbes,
omne

omne interius Africæ litus, Hispanias, Gallias, omnem prope Europam, omnes, quæ circa eam sunt, insulas adirent: qui in his essent, diuersa rerum publicarum genera, diuersa imperia intuerentur: multarum nationum, atque hominum mores cognoscerent: ac per hæc prudentiores facti, cum exacta in his iuuentute ad remp. accederent: eam sapientissime administrarent. Atque ego quidem neque negare vlllo pacto possum: neque, si possum, negem: multa in libris inueniri, multa sapientissimorum hominum præcepta memoriæ tradita: quibus & hac, & omni alia in re, quæ homini agenda sit: instrui possumus. sed vt hoc non negem: sic id constantissime affirmare ausim: multos sine ullis literis ipso rerum usu edoctos, sapientissimos ac regendæ reip. scientissimos extitisse. prudentia enim ea nimirum est: quæ in omnibus, quæ a nobis geruntur, rebus dominatur, ea quanquam multa a literis habet adiumenta: eo tamen habet: quod quæ multi viderunt, quæ experti sunt, ea memoriæ prodita legere, & legendo institui, ac doceri possumus. quæ si adiumento esse nobis fatemur: quanto id magis referre credendum est: si quis, quæ alii legunt, videat: quæ scripta in libris sunt, in his ille uerletur: neque cuiusquam scriptis, quæ plerunque falsa sunt: sed ipsis rebus, quæ nulla ratione inuerti possunt: erudiat. prudentissimos Homerus, Vlysses, & Nestorem, atque omnibus in rebus sapientissimos fingit: neque tamen aut ocio, aut literis deditos, vnquam conperimus. dum multorum ille hominum & urbes, & mores videt, prudentiam illam assecutus est. hic trium sæculorum spatium, plurima cum videndo, cum audiendo, atque ipse etiam gerendo, maximum rerum omnium usum adeptus, ac sapientissimus existimatus est. quæ cum maioribus nota essent: præclare quod a nobis dictum est, instituerunt. sed & id, etiam instituto illo assecuti sunt: ut mirum in modum reipublicæ opes crescerent: præter portoria enim, quæ maximum est plurimis, quæ & importantur, & exportantur rebus, reipublicæ emolumentum afferunt: auctis assidua mercatura priuatarum diuitiis, in hac præsertim administrandæ reipublicæ ratione.

tionē, augeri publicas necesse est. fiebat id etiam assiduīs his, navigationibus: ut multi maritimæ rei peritissimi euaderent: atque hi quoties instruendæ classēs essent, eam reipublicæ operam nauarent: ut non sine causa per tot annos uenetus nomen cunctis gentibus mari formidolosum fuerit: ac non solum his propugnaculis semper urbs se nostra tutata sit: sed & longissime imperii sui fines protulerit. dolerem patres optimi institutum hoc aboleri: quererem iuuentutem nostram non iam his artibus niti, quibus hæc creuit respublica: sed aliis captam studiis urbanæ se inertię, atque ocio penitus dedidisse: nisi sperarem, ac plane iam viderem, omnia iam a' uobis, quæ proximi huius belli motu concussa, ac labefactata erant, firmari: neque quicquam prætermitti, quod uobis aut ad utilitatem, aut ad dignitatem reipublicæ necessarium videatur. Sed, ut vnde digressus sum, redeam: totam Leonardus iuuentutem non inertem, non ociosam, sed in laboribus, assiduīs in diuersissimis regiones navigationibus, perdiscendo rerum omnium usu egit: multas prouincias atque urbes adiit: multa diuersorum populorum imperia perspexit: multarum gentium mores; atque instituta percepit. quo factum est: ut non solum mercatura opes, quam diligenter & cum dignitate exercuit: sed & prudentiam quoque, quæ illi a' natura maxima data erat, mirum in modum tamen hæc cognoscendo auxerit. neque uero hæc sola in illo conspiciebatur: sed & reliquis ita virtutibus abundabat: ut mirum nemini videri debeat, cum in Africa negotia retur, id quod diuulgatum est, Aegyptium illi quendam senem diuinantem, dixisse, & foelicissimum & suæ ciuitatis principem futurum. Equidem non nego potuisse senem illum coelesti quodam afflatu commoueri: & ea, quæ futura essent, huic præsertim, qui diis semper carissimus fuisse existimandus est, diuino monitu nunciasse: sed hoc contendo, sine ulla id etiam diuinatione, ex ipsis huius virtutibus prædici facile potuisse. Non immerito igitur, ut primum domum uenit: atque animum ad regendam rempū. appulit: omnes honorum gradus adeptus est: neque quicquam in reipublica nostra tam amplum fuit: quo non

quo non ille dignissimus iudicaretur. plures ille magistratus
 tum in vrbe, tum extra urbem, aliis multis in locis gessit : atque
 eos ita gessit : ut cum summa omnia sibi homines, ob egregiam
 quandam, quæ de illo in omnium animis infederat, opinio-
 nem, cum magistratum inibat, pollicerentur : magistratu de-
 functus non modo, quæ sibi illi promiserant, sed multo plura,
 quam quisquam aut optare, aut sibi ipse fingere ausus esset :
 præstitisse videretur. Dicenda illi in urbanis magistratibus de
 rep. sententia sæpe erat. hic uero prudentia illa admirabilis cam-
 pum, quo excurreret, ac se ostenderet nacta, omnium oculos
 in se trahebat. cum multa ille præterita meminisset : præsentia
 omnia exactissime perpenderet : ac rerum inter se nexum, &
 consequentiam quasi quandam, diligentissime consideraret : ne-
 mo futura acrius coniectabatur : nemo coniectura minus faller-
 batur. ea uero uerborum grauitate, ea dignitate orationis uter-
 batur : ut, cum nullis id ille illecebris, nullo artificio aucupa-
 retur : nemo tamen uehementius in quam uellet partem audien-
 tium animos impelleret : in nullius sententiam frequentiora se-
 natu consulta fierent. atque id ille eo etiam facilius assequeba-
 tur : quod egregius illius quidam in temp. amor erat omnibus
 perspectissimus. nemo erat, qui nesciret, nulla illum priuata re,
 nullis suis commodis vnquam moueri : non amicitiiis perueris
 non inimiciis perturbari : nihil in gratiam cuiusquam loqui :
 nihil dies noctesque aliud cogitare, quam quemadmodum
 reip. prodesse posset : nihil dicere, quod non reip. utile arbitra-
 retur. hæc cum de illo homines sentirent : mirum si maxima
 eius uerbis auctoritas inerat : si semper est senatus princeps ha-
 bitus. Age uero in iure tum in urbe, tum extra urbem dicen-
 do qualis fuit ? equidem difficillimum esse arbitror sine multo-
 rum offensione, ita iustitiæ præcepta seruare : ut nihil ab illis re-
 cedatur. ac multi quidem ita tristes, ita acerbi in iudicando
 sunt : ut uel utranque partem etiam : nemo fortasse est : qui non
 eorum saltem animos, quos contra statuit, offendat. hic, cum
 nulla gratia, nullis opibus, nulla vi, nullis precibus permou-
 eri vnquam potuerit : quin grauissimus, & seuerissimus iu-

stitiæ cultos esset : ita tamen illam iustitiæ asperitatem clemencia & comitate quadam condire est solitus : ut ne ii quidem, quos contra pronuntiabat : cur illi inimici esse possent, inuenirent . magna hæc ingenii vis : virtutes eas , quæ diuersissimæ , atque aduersæ prope inter se esse creduntur , ita coniungere : ut non alteri solum altera non officiat : sed & magno etiam sit ornamento . quid ? in cæteris qualis inuentus est ? abstinentia singulari : summa in rebus omnibus temperantia . ita faciles ad eum aditus patebant : ut neque tempore , neque loco vnquam villo quisquam exclusus sit : quin & eum adire , & quæ ueller, libere loqui posset . Iam populos , qui eius curæ commissi erant , non ille ut dominus , sed ut bonus parens regebat . amabat omnes : æquus erat omnibus : sed bonos tamen & amore & indulgentia quadam præcipua prosequabatur . ex his fiebat : ut hæc felicitissimæ ciuitates esse , quibus ille præerat , putarentur . his ille gradibus , hac uia nixus in amplissimam hanc huius principatus arcem ascendit . cum enim eius iam late nomen increbuisse : virtutes omnibus notæ essent : Augustino Barbádico principe defuncto , in eius locum suffectus est .

Percursâ sunt à me multa breuiter : quæ multo profecto & latius & ornatus erant explicanda . omiſsa etiam non pauca . neque enim in ulla hic uitæ parte non omni laude , omni admiratione dignus fuit . sed rapuit me ad se citius fortasse quam decuit , ipsius principatus splendor . hic suo lumine quasi tenebras reliquis rebus offudit . de quo cum mihi multa dicenda essent : ac ne longitudine orationis meæ uobis molestus essem , uererer : satius uisum est , eorum , quæ minora certe sunt , quædam relinquere : quam ex maioribus his quicquam prætermittere . quanquam ne de his quidem est , quod sperem à me omnia dici posse . longe enim inferiores ingenii mei uires sunt . sed tamen , si illa omnia persequi uoluisssem : multo pauciora de his uerba facere coactus essem . nunc nulla re interpellabor : quo minus ea , quæ à me dici poterunt , explicentur . Maior quædam res , ac longe difficilior quam homines opinantur , negotium est : vnum quempiam , aut regnum , aut cuiusmodi imperium

perium aliquod administrare . non enim solum quæ in priuatis hominibus probari solent : ea in hoc, qui cæteris præest, requiruntur : sed & multo hunc rebus omnibus præstantiorem esse conuenit : &, cum in illis uel magna plerunque vitia uirtute aliqua obtegantur : hic, quod eius ita omnibus proposita vita est : ut nec latere nec obtegi quicquam possit : ac uel minima eius culpa maximæ obscurari virtutes queunt : nihil prorsus vnquam delinquat necesse est. quod cum præstare permagnum est : tum longe id maximum : vnum esse, cuius consilio omnia gubernentur : qui non sui solum, sed & omnium, qui in imperio eius sunt, curam gerat : eorum commodis consulat : incommodis medeatur : salutem provideat : qui & præsentia recte disponat : & ea etiam, quæ futura sunt, multo ante præuideat . Ac cum hæc difficultates iis omnibus, quibus aliquod sit imperium administrandum, propositæ esse videantur : tum & has, & multo his maiores subeat, necesse est, qui nostræ reip. dux præficitur . atque huius ego rei ostendendæ causa, dum altius quædam repero : ne me quæso oblitum instituti mei putetis . nihil loquar, quod non ad rem pertineat : nihil, quod non & nostro huic Principi, & uobis omnibus laudi sit . Tanta prudentia maiores nostri, tanta ac tam singulari in rebus omnibus sapientia fuerunt : ut eos potius nunquam satis admirari, quam pro meritis laudare possimus . hos ego quanquam in omnibus tum dictis, tum factis diuinos quosdam viros inuenio : nihil tamen ab his præclarius, quam hanc huius reipu. administrationem, aut excogitatum, aut constitutum arbitror . Tres regendarum ciuitatum rationes sunt : vnus, optimatum populi dominatus . vnus imperium, si quis id recte gerat, cæteris præfertur : secundo loco optimatum, postrema omnium popularis administratio existimatur . quod sapissime is tamen, qui omnia vnus potest : pro libidine plurima, nihil iure agit : atque eo cæca quadam cupiditate fertur : ut omnia vnus possidere, nihil cuiusquam esse proprium uelit : quodque extremum ciuitatibus exitium esse consuevit, suis ipse ciuibus, quorum salutem præcipue consulere deberet : insensissimus hostis est : &

quod populi dominatio uelut mare quoddam, ita multis sæpe uentis, atque adeo auris omnibus agitur: ut nihil illa sit comotus: ac tanti plerunque in ea fluctus excitantur: ut in ciuitatem etiã redundant: atque eam sæpe demergant. ob hæc optimatum potentia, quanquam & suis ipsa vitis non careat: maxime tamen tuta, atque omnium optima existimata est. hæc cum maiores animaduernerent: quod in vnaquaque optimum visum est, transferentes, ac vitia omnia quantum fieri poterat, amputantes, hanc reip. formam constituerunt. quæ quidem ita ex omnibus mista est: ut, cum optimatum quidem illa gubernatio esse maxime uideatur: cæterarum tamen etiam administrationum quodammodo expers non sit. Comititia, quibus magistratus creantur, quod maxima in his ciuium multitudo est: atque eo omnes conuenimus: quanquam nullo pacto huc quisquam e populo aspirare possit: atque vnus sine nobilitatis omnia: speciem tamen quandam popularis gubernationis præ se ferunt. vnus dominatio in eo, qui dux creatur, conspicitur: cætera omnia optimatum administrationi conueniunt. atque vnum quidem ex omnibus eligi, qui toti præesset reip. cum ob alia multa, tum ob id maxime constituerunt: quod videbant id in hac rep. quod in omni & optimatum, & populi imperio fit, fieri necesse esse: ut annui scilicet magistratus, aut aliquo certe non longo tempore definiti, crearentur. in eo uero id esse incommodi: quod, cum ii plerunque, qui ea, quæ in rep. agenda, ac quo omnia dirigenda consilia essent, tenerent: peracto magistratus tempore priuati fierent: non ui uero, ac rerum, quæ gererentur ignari, succederent: prætermitti multa, ac magno affici temp. detrimento necesse erat. ob hæc illi vnum aliquem reip. præfici utile esse opinati sunt: qui ad reip. gubernacula assiduus sedeat: cæteri munus quisque suum exequatur: ille omnia disponat: & quæ visa fuerint, imperet: atque eo cursum dirigat, ubi maxime & salutem, & utilitatem reip. esse cognoscat. neque uero, quemadmodum in rege suo Lacedæmoniorum resp. successione hoc fieri, sed ex iis, qui in rep. uersati essent: atque egregii in temp. animi, ac virtutum

rutum omnium signa multa dedissent, sapientissimum eligi uo-
 luerunt. huic autem, ne imperandi dulcedine transuersus alio
 quando rapi posset: ita suas dixerunt leges: ut cum in summa
 rerum omnium potestate sit: non minus tamen, quam nostrum
 quilibet legibus teneatur. maximo igitur consilio, & alta qua-
 dam sit mente præditus necesse est: qui in nostra rep. princeps
 constitutus, quæ ab eo debentur, præstare, ac recte exequi uo-
 luerit. ac cæteris quidem omnibus, qui ciuitatibus soli impe-
 rant: si eas recte administraturi sint: multi & magni suscipiendi
 labores sunt: sed quod pro sua illi uoluntate, omni præscripto
 liberi, multa gerere possunt: minus id difficile haberi debet.
 nostræ reip. Principi simul omnia, quæ illis, onera incumbunt:
 simul seuerissimis legibus obtemperandum est. quod si quis
 hoc, quod omnium difficillimum est, recte gesserit: non ne im-
 mortales illi laudes, & diuini honores debentur? quis igitur no-
 strum hunc Principem satis pro meritis vnquam laudauerit?
 qui talis in diuersissimis his rebus inuentus est: ut recte prin-
 cipatum administrando, iis, qui in imperio sunt, quemadmo-
 dum administrari imperia debeant: legibus parendo, priuatis,
 quemadmodum legibus parendum sit, proposuisse exemplum
 videatur. quæ ut ab omnibus cognosci possint: quemadmo-
 dum per .X X. hic annos reip. administrarit: quem se prin-
 cipem ostenderit, quo cœpimus ordine persequemur. Quà
 tempestate Princeps is uester creatus est: quanquam ne id qui-
 dem prætermittendum est: maximo illum consensu, atq; eodem
 die, quo ferri suffragia cœpta sunt, quod raro admodum fieri
 confluxit, creatum esse: neque paruum hoc testimonium il-
 lius virtutum haberi debet: in refertissima sapientissimorum ci-
 uium rep. ne diu quidem dubitatum esse: quisnam præferri o-
 mnibus deberet. sed qua tempestate is princeps creatus est: bel-
 lum nos cum Baizeto Turcarum rege aliquot iam annos acer-
 rimum gerebamus: & cum iam Benedicti Pisaurii clarissimi ac
 fortissimi uiri ductu meliore loco res esse nostræ cœpissent: ac
 plerisque hostium oppidis eius consilio, ac militum uirtute
 captis, repressus aliquantum illorum furor videretur: & iam

177
fatis ostensum, non eos nos esse, qui illatas ulcisci iniurias ne-
quiremus: non multo post de pace agi coeptum est. qua tan-
dem, diu re ultro citroque agitata, maxima cum dignitate ue-
stra constituta, per plures uobis annos omnia secunda euenere.
uos pacatissimo in ocio, amplissimo in imperio maxima cum
dignitate agitabatis. Princeps ipse interea, cum nullæ essent in
rep. tempestates: quæ magnum admodum gubernatoris labor-
em poscerent: non minoris tamen esse artis temp. in pace admi-
nistrare, ostendebat. Hic, ne idem mihi sæpius dicendum sit:
egregiæ illæ animi dotes, de quibus ante dixi, quæ iam tot an-
nos, quibus ille in repu. uersatus fuerat: omnibus perspectæ
erant: eadem tanto etiam tum in eo maiores videbantur: quan-
to iis, qui ad aliquam regendæ reip. partem admittuntur, præ-
stare totius reip. Principem oportet. per hæc tempora, cum
alia ille multa præclare gessit: tum id maxime: quod, cum eius-
modi esse omnes respu. & inter cæteras nostram hanc præcipue
arbitraretur: ut nihil illis magis cauendum, quam bellum esset,
nihil magis quam pacem expetendam duceret: hac foueri eas
atque ali: neque subita aliqua ui, sed ipso tempore, atque oc-
casionibus, quæ plurimæ in dies accidunt; augeri oportere: &
cum uos hoc illi assentiremini: ita id præstitit: ut cum multa
illis temporibus tum ab Italis, tum ab externis regibus, tota
Italia bella gesta, multa uariis in locis prælia plurimo sangui-
ne commissa, atque omnibus odiis certatum sit: nemo tamen Ve-
netis hostis fuerit: sed cum æque ab omnibus colerentur: ut ar-
bitri illi quidam potius ad componendas inter eos res adhibe-
rentur. atque hæc quidem ille ita pace fruebatur: ut, cum eam
omni ratione perpetuo conseruandam putaret: animaduiceret
tamen, ea nonnunquam tempora incidere, quibus uel necessa-
rio bellum gerendum sit. itaque ut periti gubernatores solent,
qui, quanquam omnia obseruaturi signa sint: omnem in eo cu-
ram collocaturi: ut tranquillo mari nauigent: neque sæuientib-
us se uentis committant: quod momento tamen plerunque
tempestas incidit: iam tum, cum in portu sunt, omnia præpa-
rant: quæ tolerandæ tempestati necessaria esse videntur. sic ille
iam tum

XVIII

iam tum in pace, quæ bello, si quod incideret, opportuna essent, considerabar. qua in re, cum nihil eorum, quæ agenda essent, prætermitteret: tum præcipue ærario ac publicis opibus prospiciendum censuit. cum uero ob ingentes, multis quæ gesseratis bellis factas impensas, maximo alieno ære urgeri rempublicam, ac tantum deberi ciuibus videret: ut uel eo, quod illis, dum plene aliquando satisfieret, quotannis pendebatur: prope omnia uestigalia, ac reip. redditus absumi necesse esset: omni cura inuigilandum, ut id ratione aliqua dissolui posset, existimauit. eo dissoluto, tam late patere imperium uestrum: tam opimas, tam fertiles regiones sub ditione uestra esse cernebat: ut facillimum factu esset, maximas uobis diuitias exaggerari: ac tantum non multo tempore in ærarium auri congeri: quantum nullis vnquam bellis, nullis sumptibus exhauriri posset. hanc uos eius sententiam cum secuti essetis: ita toto ille animo in eam rem incubuit: eam, ut id fieri posset, rationem inuenit: ut breui tempore tanta res, & qua nulla vnquam reipublicæ utilior excogitata est, confici posse, ac prope iam confecta esse uideretur. sed repens id quod præter omnium expectationem bellum subito exortum est: ut alia nobis multa detrimenta intulit: ita huic etiam rei fuit impedimento. Secuta sunt tempora, quæ si ex ipsa rerum natura euelli ullo pacto possent: non ego præclarissimi huius viri, ac uestrum omnium laudem, quam maximam proximo hoc bello adepti estis, tanti facienda ducerem: ut non id mihi uotis omnibus exoptandum existimarem. simul enim & molestiæ, ac calamitates omnes, quibus, his temporibus resp. affecta est, extraherentur. sed quoniam fieri id non potest: non mihi ego, si eorum uobis memoriam renouaro: uulnus, quod iam obductum est, refricaturus, sed gloriam potius uestram prolaturus, atque hominum sermionibus propositurus videor. Ac quo ego magis cogito: & res eas, quæ euenire, mecum ipse confidero: eo magis fatus nescio quo, cui nullis hominum consiliis, nulla ui resisti posset: arma in nos illa concitata, ac tantam subito belli molem extitisse comperio. quid enim maiores uestri, quid uos vnquam

aliud egistis? quis uestrarum cogitationum omnium alius vnquam terminus fuit? quid sibi aliud uestra vnq̃ uota postularunt? nisi ut in pace, atque ocio esse, ac uestra tranquille perfrui rep. possitis. cum multas uos ciuitates, multa regna, ob nimiam imperandi cupiditatem concidisse, eamque ipsam non longissime prolatis finibus, sed moderatione animi terminari polle cognosceretis: satis magnas uobis opes, satis amplum esse imperium putabatis. id uero cum sola pace diuturnum, ac perpetuum fieri posse videretis: omnia uestra studia, omnes cogitationes pacis erant. hac iam ab initio altam, ac auctam uestram temp. noratis: hac illam in posterum omnem temporum æternitatem superaturam sperabatis. atque ideo nemini uos vnquam ultro iniurii fuistis: neminem bello laceffendum, sed uobis tantum, ac sociis uestris illatas iniurias propulsandas censuistis. at uero officio cum omnibus semper certauistis inita fœdera sanctissime obseruauistis: fidem constantissime coluistis. quibus rebus, cum fieri id deberet: ut omnium maxime ab omni iniuria tuti essetis: neque quisquam non beneuolus uobis esset: repentino tamen quodam impetu prope omnes totius Europæ nationes ad uos tanquam omnium communes hostes extinguentes, confluxerunt. multa ego hic mihi iustissimas ob causas silenda arbitror: vnum hoc tamen dicam. si ulla vnquam ratione fidem aliqua in re non obstinatissime seruandam esse persuaderi uobis potuisset: facillime hanc a uobis euitari procellam potuisset. sed uos ne totius quidem orbis imperium tanti faciendum, neque ullam tam extimescendam vim; ullum tam formidabile periculum esse iudicauistis: ut a fide dimoueri, atque ab officio discedere deberetis. hoc uos animo cum per uos etiam essetis: quippe qui in obseruantissima officiorum omnium rep. nati, atque educati estis: multum tamen ad id constantissimus uos Princeps uester & oratione animauit: & auctoritate confirmauit. maximam igitur simul ille, simul uos omnes gloriam consecuti estis. sed magnas, neque eas tamen culpæ ullius, sed innocentiz, & laudis pœnas dedistis. Cum multi huius reip. splendorem, assueti ipsi tenebris, ferre non possent: atque

sent: atque extinctum cuperent: alii, qui Italiae ipsi oppressores, ac prædones essent, æquabile hoc imperium, hanc per tot annos conseruatam libertatem, & odio prosequerentur: & timerent, ne uestro aliquando exemplo, ac totius Italiae iandiu extincta libertas reuiuisceret: nonnulli florentissimi, atque opulentissimi imperii diripiendi cupiditate tenerentur: factum est: ut & in uos omnes inter se illi coniurarent: & coniunctissimi uobis reges, ac uestre semper reip. amantissimi, ita fictis improborum delationibus à nobis distraherentur: ut arma etiam sibi in hanc remp. sumenda esse iudicarent. Hic uero cum uos subita, atque inexpectata re oppressi, uestras his copias, quæcunq; uetum repente contrahi potuerunt: opponere cogere mini: accepta illa calamitas est: de qua me quæso Patres opt. filere patiamini. eiusmodi enim fuit: ut sine acerbissimo animi sensu, neque à me dici, neque audiri à uobis possit. hac clade nunciata, quod tantum animi robur, tanta uis, tanta firmitas esse potuit: quam non tanto incommodo labefactari, ac concidere necesse fuerit? & certe (ut uerum fateamur) trepidatum aliquantum à multis est: multorum animi perturbati sunt: ciuitas diu paci, ac prosperis semper assueta, tanta, & tam repentina rerum omnium mutatione, non commoueri non potuit. sed admirabilis quædam uestri Principis fortitudo, & suis ipsa uiribus incussa permansit: & eam uocem emisit: ea grauitate uestri uos decoris ac dignitatis admonuit: ut erectis omnium animis, nemmo unquam in tollerandis aduersis firmior, quam uos uniuersi fuistis, inuentus sit. sed non hæc solum eo tempore in uobis uirtus enituit. permultæ se aliæ, quæ ante latuerant; ut quæque difficillima illa tempora exigebant, ostenderunt. cum tantam in uos procellam illam, nullo uestro merito subito extitisse uideretis: neque facto semel periculo, sustinere eius uim potuissetis: uel alicui deorum immortalium in uos iræ, uel maioribus quibusdam uiribus cædendum esse statuistis: neque quicquam, quod ad leniendos hostium animos accommodatum esse uideretur: prætermisistis. quanta hæc animi moderatio haberi debet? sed cum sciuiores in dies illi, ac ferociore fierent:

iidem uos, cum iam moderatione uestra, & deos, siqui irati uo/
bis erant, pacatos, & causam uestram omnibus iam probatam
iudicaretis: bellum uobis acerrime, atque omni animorum con/
tentione, gerendum esse decreuistis. & id uero ita gessistis: ut
cum nihil iam uobis hostes, quod aut agere, aut sperare posse/
tis, reliquum esse existimarent: tum uos recuperata ui Pataui,
his & illam & Taurisium præfidiis firmaueritis: ut his quasi fre/
nis quibusdam hostium furori iniectis, cum toto hoc bello in
has illi urbes prope quotannis irruerent: omnis semper eorum
audacia compressa, omnes impetus alio detorti, atque infracti
sint. Sed nihil profecto eorum, quæ a uobis gesta sunt, mihi
æque memorandum videtur: ac prima illa recepta recens Pata/
ui tolerata in ea urbe oppugnatio. centum hostium millia fe/
rocissimis, ac pugnacissimis e nationibus, maximo cum tumultu,
derepente, tanquam procella quædam ad eam occupandam
urbem irruerunt. uobis quidem, & egregii Imperatores uestri,
& selecti, qui aderant, milites satis ad eos reprimendos esse ui/
debantur. sed trecentis tamen ego patriciis illis uiris, quos, tu/
multu illo trepide nunciato, eo mittendos censuistis: oportu/
nissimam uobis urbem potissimum conseruatam puto. atque
in iis quidem omnibus, quæ a me dicuntur: cum maxima uo/
bis omnibus, tum uero præcipua quædam uestro Principi laus
debetur. ille enim rebus omnibus præerat: ille omnium uobis
consiliorum auctor erat. sed nulla tamen ille in re, quam hac,
quæ a me postremo dicta est, maiori laude dignus existiman/
dus est. recordamini patres optimi, cum uos de patriciis illis
Patauium mittendis hortaretur: quæ uerba locutus sit. *Qua*/
tuor sibi esse filios dixit: omnes & moribus (nisi patrius se amor
fallat) & uirtutibus ornatissimos: sibi certe iucundissimos: eo/
rum tum in omne se discrimen duos patriæ offerre: nec recusa/
re & reliquos, & se etiam (si id res poscat) pro salute reip. de/
uouere. quæ cum maxima omnium acclamatione excepta es/
sent: egregia illa nobilium iuuenum manus hoc exemplo com/
mota ad auxilium patriæ ferendum, Patauium profecta est. hic
uero, cum & ipsi illi Principis filii, & reliqui patricii iuuenes
ubique

ubiq; adessent: nulli non se periculo obiicerent: omnes ultro labores subirent: tanta militum uestrorum animis alacritas, tantus hostium contemptus innatus est: ut innumeras illas copias, illam vndique circumfusam multitudinem, non solum ad eam, quam ipsi tuerentur, expugnandam urbem, sed ne ad congregiendum quidem secum acie, parem iudicarent. itaque cum plures ibi dies hostes consumpsissent: suos que omnes conatus frustra esse cernerent: ab incepto desistere, & abire turpiter coacti sunt. magna hoc facinore apud omnes gentes huic reip. parta est gloria: magna Veneto nomini auctoritas accessit: magnæ uero a nobis omnibus nostro Principi, qui huius facinoris auctor fuit, gratiæ haberi debent. neque uero hac vna in præclari huius viri auctoritate compulsi multum reip. profuistis. sed, cum plurimis graui hoc bello sumptibus iam exhaustum ætarium esset: & impendi tamen in exercitus nostros multa necesse esset: credo equidem & egregio uos in patriam amore adductos, priuatas in remp. opes contulisse: non parum ad id uos tamen assiduæ etiam nostri Principis cohortationes excitauit. quoties ille in senatu, quoties in comitiis ultra etiam ætatis vires magna contentione grauissima, hac de re, uerba habuit. factum est igitur: ut cum penitus iam accisas Venetorum res, neque ullum iam ab his diutius exercitum sustentari posse, omnes crederent: tum uero tanta ac tam immensa subito opum vis extiterit: ut mare potius huic ciuitati, quo interluitur: quam ullas vnquam reip. diuitias deesse posse, facillime omnibus persuasum sit. Sed ne id quidem a me sileri decet: quod, nescio an iis omnibus, quæ a me hætenus dicta taderet: multorum animi, aduersis iis, quæ, ut in tam longo bello fieri necesse est, pleraque acciderant, infracti essent: hic ea semper in sententia perseuerauit: quam uos secuti, & maximam admirabilis cuiusdam constantiæ laudem adepti estis: & in pristinam tandem imperii amplitudinem remp. restitulistis. multæ quotidie pacis conditiones uobis proponebantur: ac cum de his sæpius ageretur: atque in eas nonnulli imbecillitate quadam

animi nimium pacis cupidi, non magna reip. dignitatis ratione
habita, descensuri viderentur: cum præter senectutem, quæ gra-
uissimus per se ipsa morbus est: aduersa etiam ualitudine labora-
raret: ad hanc tamen ille dissuadendam nec satis fidam, nec de-
coram pacem præsto semper fuit: semper ea, quæ reip. dignitas
posceret, locutus est. admirantur romanarum rerum scripto-
res Appium illum cæcum, cum illi ad cæcitatem grauis etiam
senectus accederet: cum de Pyrrhi pace senatus consuleretur:
ad eam se tamen impediendam deferri iussisse. nos de hoc sile-
bimus? qui in summa itidem senectute, impeditiore etiam mor-
bo quam haberi cæcitas debeat, pene confectus, non senel, ut
Appius, sed & hanc ad rem sapius affuit: & aliis omnibus,
quæ de rep. agerentur, rebus, toto hoc decennio semper inter-
fuit. profecto nihil est patriæ charitate præstantius. ea vna o-
minem illius morbi vim repellebat: omnes senectutis molestias
abstergebat. Hic uero, cum ille magnam quandam animi vim
ostenderet: nihil cuiquam prius, nihil potius reipu. dignitate
esse debere diceret: pericula & labores omnes, mortem ipsam
denique bono cuiuslibet potius subeundam: quam ullam vn-
quam pari reip. turpitudinis maculam inspergi: turpi pace su-
scepta, nulla vnquam re deleri hanc labem posse: fortunam
reip. mutari posse, rerum omnium continuas mutationes esse:
sperandum ex iis, quæ pertuleramus aduersis esse, iam iam ad-
esse, ut nostræ res in melius uerterentur: nunquam reip. ad to-
lerandum bellum defuturas opes: deos etiam immortales, ciui-
rati, quæ tam pie eos semper coluisset, non defuturos: cauere
modo, ne ignominie notam aliquam reip. inurentes, deorum
ab se animos, qui illam tutarentur, auerterent. Hæc cum ille
commemoraret: uos ei patres optimi semper assensu bellum po-
tius cum dignitate reipu. uobis gerendum, quam turpi pace
quiescendum statuistis. neque uero est, quod huius uos sen-
tentie poenitere possit. nam non longo interiecto tempore opu-
lentissimus ac potentissimus Gallorum rex, qui semper antea
coniunctissimus huic reip. fuerat: ac multas uobiscum necessi-
tudinis causas habebat: cum falsis se maleuolorum sermonibus
ab amicitia

ab amicitia uestra, quam fidissimam sibi semper expertus esset: auulsum videret: occultis in se illorum odiis ac fraudibus cognitis, id uobiscum foedus iniit: ut quod intercesserat dissidium, reintegratio amoris quædam (quod nonnunquam fieri consuevit) fuisse videretur. is ita exercitu paratissimo, ita omni uobis auxilio præsto fuit: ut tantis viribus additis, quæ violenta uobis illa proximi belli tempestas abstulerat: ea prope omnia intra paucos dies in potestatem uestram redacta sint. Tum uero, cum satisfactum iam dignitati uestræ iudicaretis: atque æqua iam tandem uobis pax afferretur: nullis uos sumptibus, nulli rei parcendum esse, dum ea fieret, censuistis. quam cum item ad rem conficiendam omnem operam amicissimus uobis rex, omne studium contulisset: factum est, ut sub induciarum nomine, pax sit uobis firmissima constituta. Sed quoniam commemorandis iis, quæ cum omnium uestrum laude coniuncta esse, & ad remp. pertinere uisa sunt, longior fortasse fui, quam ut plura iam a me hoc tempore dici possint: multa, quæ mihi ipse dicenda proposueram, prætermitti necesse est. sed & satis ex iis tamen, quæ dicta sunt: qualis hic fuerit, quam diuinus quidam uir haberi debeat, cognosci potest. quam enim præclarissimarum illi virtutum cœtu, quæ aut solæ, aut certe maxime in homine laudandæ sunt: defuisse dicemus? profecto si quis eum iam inde ab adolescentiâ penitus inspicere, tum quæ ab illo, & in prouincialibus, & in urbanis magistratibus gesta sint, quemadmodum denique principatum adeptus, tum tranquillis, tum omnium, quæ nobis unquam inciderunt, difficillimis temporibus, remp. administrarit, considerare uoluerit: nihil in hoc, eorum, quæ in magnis ac præclaris uiris admirari consueuimus, desideratum esse cognoscat. sed ne eorum quidem, quæ aut a natura, aut a fortuna hominibus dari solent, quicquam illi admodum defuit. quæ quanquam nulla ratione cum animi bonis, de quibus iam abunde diximus, conferenda sunt: eius modi tamen sunt: ut nec solam ad beate uiuendum uirtutem sufficere, nec sine his felicitatem illam, quam omnes appetunt: consequi quenquam posse, præclarissimi etiam, ac sapientissimi



homines existimarint. Ego quidem quanquam nihil a diis immortali-
bus humano generi virtute maius aut præstantius da-
tum arbitror: non parum tamen ex his etiam eorum in nos be-
neuolentiam declarari puto. quod si ita existimandum est: quis
vnquam diis immortalibus carior Leonardo fuit? quis eorum
muneribus ornatior? præclarissima in ciuitate, maxime nobili,
atque illustri ortus genere, & egregia quadam forma fuit: &
honeste partis diuitiis abundauit: & ita prosperos rerum o-
mnium successus habuit: ita semper illius virtutes fortuna co-
mitata est: ut nihil vnquam optarit: quod non sit cumulatis-
sime consecutus. omnes in optime constituta rep. honorum gra-
dus adeptus, atque illius demum Princeps creatus, in eius ad-
ministratione ad extremam usque senectutem vixit. accessit ad
hæc, quod & rarum admodum, & difficillimum haberi solet:
ut & plures liberos, & egregiæ omnes probitatis procrearet. e-
quibus, cum primariis ciuitatis viris in matrimonium filias col-
locasset: & Hieronymo item e filiis uxorem despondisset: quod
magnæ cuiusdam foelicitatis esse creditur: & nepotes, & neptes;
& ex his & pronepotes, & proneptes vidit. sed, ut hoc foelici-
sime illi contigit: ita id non licuit: ut omnes sibi superstites fi-
lios relinqueret. nam ultima iam in senectute constitutus, cum
ad id usque tempus incolumes omnes fuissent: importuna mor-
bi vi, altero ab hinc anno Bernardum amisit: quo ingenio? qua
comitate? quantæ spei iuuenem? non leuius ego huius morte
illatum patriæ, quam patri uulnus puto. quis hic uir? qualis
senator? quantus in rep. administranda fuisset: sed iniqua il-
lum fortuna nobis inuidit. At quanto id tibi optime ac mi-
serissime omnium iuuenis foelicius cecidisset: si, cum ad tuendam
Patauium cum Aloysio fratre, & inuictò illo nostræ iuuentu-
tis flore profectus, gloriosa pro patria arma ferres: ac nulla ti-
bi in re parceres: omni te discrimini opponerès: tum hostium
tibi telis occumbere, ac speciosissimam pro patriâ mortem obir-
re, licuisset. Acerbissima hac præstantissimi iuuenis morte,
cum nemo tota in ciuitate esset: qui non ingemisceret: qua eam
constantia pater tulit? eadem, qua tot ante patriæ calamitates
tulerat.

rulerat. non magis hac fortunæ iniuriæ deiectus, quam secundis vnquam ullis rebus, quæ plurimæ illi acciderant, sublatuſ est. ut mihi dii immortales extremum hoc illius, quem paulo post in ſuas ſedes, ubi ueram vitam uiueret: ac perpetuo ſecum æuo frueretur: uocaturi erant: uirtutis periculum feciſſe videantur. atque hoc quidem illi e' filiis incommodum illatum eſt. quantas uero, & quam magnas ex his cum uoluptates percepiſſe arbitramini? quantas fortasſe nemini unquam contigiſſe credendum ſit. quaſi rarum, ac ſolum propè quoddam ſœlicitatis exemplum, Metellus celebratur: quod, cum quatuor illi eſſent filii: eorum unum prætorem, tres conſules, atque ex his vnum cenſorem, duos triumpho inſignes uidit. Magnum proſecto Metelli patris gaudium fuiſſe arbitrandum eſt: cum ea filios, quæ ampliſſima in ciuitate eſſent: conſecutos intueretur. neque tamen tam ego illum lætatum puto, quod hos ad eos delatos honores uidebat: qui, quanquam maximæ, quod in populi tamen manu ſunt: mandari plerunque etiam indignis ſolerent: quam quod eiufmodi eſſe illos cognoſcebat: ut digni eſſent, quibus ſumma omnia tribuerentur. Hoc uerum demum gaudium eſt: eas in filiis uirtutes aſpicere: ut nullus non illis honos debeatur. quæ ſi ita ſunt: ne hac quidem in re, ut alia omnia prætermittantur: minor noſtro Principi quam Metello ſœlicitas contigit. cum enim quatuor itidem huic eſſent filii: cui tot vnquam uirtutibus æque omnes ornatos intueri conſeſſum eſt? ſed & iis etiam, quæ merebantur, dignitatis præmiis honeſtatos, & nullis non honoribus auctos uidiſſet: ſi noſtri Principis filiis uiuo patre magiſtratus petere per leges liceret. & ſibi tamen id ille polliceri potuit: fore, ut, cum ipſe exceſſiſſet, nullum eſſet in hac rep. uirtutis præmium, quod illis, cum id a uobis peterent, negari poſſet. & uiuens etiam Laurentium filium, ne hoc ſibi vnum deſuiſſe queri poſſet: cum ea tempora incidiſſent: ut is legibus ſolueretur: in proximum poſt ſe dignitatis gradum ſublatus uidit. Cum uero optatiſſimum eſſe parentibus ſoleat, quamſimillimos ſibi naſci filios: cui hoc vnquam benignius, quam noſtro Principi

concessum est? atque ego non de hac tantum corporis, sed multo de illa magis, quæ in animo conspicitur, similitudine loquor. qua in re ita, & inter se & patri similes huic filii contigerunt: ut facillimum fuerit in omni uirtutum ac morum optimorum genere, & in patre filios, & in filiis patrem, & in fratribus etiam fratres agnoscere. quæ, quamuis ita sint, nescio quo pacto tamen magis omni in re in Laurentio conspici imago patris potest. quem quidem ego cum intueor Patres optimi, non uideo cur Leonardum nobis ipsum ereptum queri possimus. in eadem oris lineamenta aspicere, eandem uerborum grauitatem audire, iisdem omnibus uirtutibus frui licet. hanc ille egregiam & animi & corporis sui effigiem nobis reliquit, multo certe iis omnibus anteferendam, quas plurimas Romani sibi quondam Imperatores ad propagandam sui memoriam, ubique gentium collocarunt. ob hanc ego quidem etiam causam, minus illi molestam fuisse mortem puto: quod cum ipse patriæ eriperetur, & in cæteris tamen filiis simillimam sui imaginem, & in Laurentio ipsum quasi se sibi superstitem relinqui reip. conspiciebat. Sed cum tam multa deorum immortalium benignitate nostro Principi contigerint: ut nihil prope optari a quoquam possit: quod non ad hunc abunde delatum sit: una fortasse uoletudo non benignissime ei concessa esse uideri queat. nam neque in iuuentute magnis quibusdam corporis uiribus, & infirma, atque affecta morbis senectute fuit. sed qua illi in parte naturæ munus defuit: in hac sibi ipse. (quod multo est prædarius) animi uirtute præsto fuit. nam eam temperantiam adhibuit: ita omnes semper, quæ corpori officerent, uoluptates neglexit: ut in hac imbecillitate tamen ad nonagesimum prope usque annum, quod ne robustissimis quidem sæpe accidit: uitam produxerit. maior profecto ex hac illi uirtute laus debetur: quam si illi, uel ipsum illud Milonis Crotoniæ robur a natura contigisset. atque in hac quidem re Patres optimi magnum quiddam est: quod nostro a nobis omnibus Principi debeatur. ab eo enim tempore, quo proximo hoc maxime saeuiente bello, grauissimo pene morbo oppressus est: quicquid ad pristinam
illam

illam prorogandæ uitæ diligentiam addidit: quæcunque, ut uiueret, passus est: quæcunque fecit: ea omnia singulari illius quodam in tempore amore facta esse, existimandum est. neque uel in re magis quam cara illi esset patria, cognosci potuit. quid enim? desiderio hæc illum uiuendi fecisse arbitramini? quid erat? cur tantopere in uita diutius esse uellet? tot iam annos uixerat: ut, quod in omni re fieri consuevit, satietatem iam tum illum uitæ quandam cepisse credendum sit. eum ex recentibus patriæ incommodis dolorem acceperat: ut ægerrime illius se superesse calamitati passus sit. cum omnes etiam tum filios incolumes haberet: atque omnia prope adhuc illi secunda in priuatis rebus fuissent: magis erat ut ueretur, ne uiuendo quicquam, quod noller, aspiceret: quam ut lætius quippiam sperandum esset. ad hæc, quæ illi iam eius uitæ cupiditas esse poterat: quæ eo iam uenerat: ut nihil aliud quam grauiores quotidianæ morbos, & assiduos ex his dolores, ac cruciatus expectare posset. quod hæc ergo tam diligens tuendæ uitæ cura? quod hæc uiuendi cupiditas? cum uideret, si media ipse in tempestate ereptus, tantis in fluctibus tempore reliquisset: fore, ut uel eo uno, quod diu in substituendo gubernatore occupata futura erat: multa illi inferri detrimenta possent: omnia sibi perpetenda esse censuit: ut, dum eam in tranquillo sisteret: cum sibi iam satis uiuisset: patriæ certe, cui non minus uiuendum esse cognosceret: uitam proferret. Non minores huic igitur gratiæ a nobis habendæ sunt: quod patriæ utilitate permotus, in uita esse sustinuerit: quam ab aliis quondam ciuitatibus iis sunt habitæ: qui uitam pro patria reddiderunt. eorum enim nonnulli ne morte quidem illa quicquam profuerunt. hic tantum uita profuit: ut eius potissimum consilio, quod nulla illi unquam ætas debilitauit: sed semper auctius factum est: & plurima proximo hoc bello præclare a uobis gesta, & in tuto demum tempore collocatam putem. Quod si aliqua in morte etiam foelicitas esse existimanda est: quæ certe estiquis in hac illo foelicior unquam fuit? cui quidem eo ipso, quo optauerat, tempore, erepta iam est belli fluctibus rep. & ea firmissima in pace constituta, mori

contigit. quin id etiam credendum est, nullo illum cum dolore decessisse. neque enim eundem in omni morte doloris sensum esse existimandum est. nam cum omnia, quæ natura sunt, cum uoluptate fiant: ac, quoniam nati mortales sumus, certus quidam terminus, quo moriendum nobis sit, natura sit constitutus: mortem illam, quæ natura contingit, ut non contendam, cum uoluptate esse: sine dolore certe est. sit illa acerba pueris: sit iis, qui in iuuentute sunt: quos est uita, tanquam immatura ex arboribus poma, uel quadam auelli necesse est. senes certe, quibus iam sua maturitas aduenit: quod sensim his sine sensu uita surripitur: paulatim deficiunt: ac sine ullo dolore, sua quasi sponte extinguuntur. quæ cum ita sint: nunc demum est: cum peracto iam totius uitæ cursu, & beatum hunc, & foelicissimum fuisse, affirmare possimus. Quamobrem, ut ad id iam ueniam, quod mihi postremum faciendum est: & ad leniendum hunc, quem in uobis omnibus intueor, mœrorem aliquid à me dicatur: non uideo Pat. optimi, cur illius mortem, qui omnes uitæ actus foelicissime peregerit, tam moleste uobis ferendam putetis. non infinitum nobis quoddam uiuendi curriculum propositum est: sed suis & carceribus, & metis terminatum. ac fortasse medio quempiam est cursu abripi dolendum sit: quod quis omni fortissime decurso spatio, & ad metas peruenerit: & promissa uirtuti præmia consecutus sit: si illi amici haberi uolumus: lætari certe debemus. at ei, qui recte, ac cum uirtute uixerit, pro imbecilli hac mortalitate, immortalem, ac foelicissimam à superis post mortem uitam dari, cum omnes semper omni tempore homines crediderunt: tum nos præcipue, quibus à Deo Optimo Maximo uerum ad cœlum iter ostensum est: sine ulla dubitatione affirmare debemus. quod si hoc illi contingere potuisset: ut nunc morti ereptus, reliquo omni tempore nunquam moreretur: non tamen uos hoc illi optare debuissetis. quid enim? misera illa inter tot hominum calamitates immortalitas, cum foelici hac inter deos, & bonis omnibus refertissima, quam adeptus est, immortalitate conferri posset? tantum abest, ut id existimem: ut si illa etiam nobis non sit proposita: magis tamen

tamen optandum arbitrer, ex assidua hac humanæ uitæ iactatione aliquando eripi : quam' uel perpetuo in ea uersari. quare omni iam dolore abiecto, illum potius imitari, & quæ ille consecutus est, a' diis uobis immortalibus optare debetis. Sed hæc in uniuersum omnibus dicta sint. Vobis uero præclarissimi optimi Principis filii, quæ a' me consolatio adhiberi potest ? priuari patre nemini non graue est : tali patre priuari, talibus, ac tam piis, quales uos estis, filiis grauissimum. neque fieri ullo pacto potest, neque id natura concedit, ut non maximo dolore afficiamini. sed profecto, si ipsa hæc eadem, & quo patre nati, & quales uos sitis, considerare uolueritis : omnem a' uobis doloris impetum fortissime reiicietis. quam' forti pater animo Bernardi filii mortem tulit ? qua constantia rot longe illi filii morte grauiores patriæ calamitates ? at paternam hanc uirtutem uos præcipue præstare conuenit. & hi uero uos estis : hæc iam in uobis uisæ uirtutes sunt : ut animi fortitudinem, quæ maxime uiros decet : uobis deesse turpissimum futurum sit. quam ne in uobis desiderare uidear : omittenda mihi hæc omnis orationis pars uidetur. & uos potius ad tam egregium imitandum patrem cohortandi. sed & eam etiam orationem uestra mihi uirtus eripuit. quid enim uos incitem ? qui ita in cursu estis : ut non illius modo uestigiis insistatis : sed & omnibus iam cum uirtutibus æquaueritis : & si ulla id fieri ratione potest, etiam superaturi esse uideamini. Quamobrem uos quidem quo' cœpistis, pergite : & quæ in uobis sunt, præstate : cætera, quæ patri concessa sunt, pro uirtutibus uobis uestris a' diis immortalibus euenient.

M.

D.

XXI.

XXV.

IVNII.

XXV

A N D R E A E
N A V G E R I I
P A T R I C I I
V E N E T I
L V S V S.

Aspice magna Ceres tibi quos semente peracta
Ducimus agrestes, rustica turba, choros.
Tu face, ne nimio semen putrescat ab imbre:
Neu sulcos rapido frigore rumpat hyems.
Neu sterilis surgat sylua infelicis auenæ:
Et quæcunque bonis frugibus herba nocet:
Neu terræ prostrata animosi flatibus euri
Decidat: aut densa grandine læsa seges:
Neu directa auidæ rapiant frumenta uolucres:
Monstra'ue, quæ terræ plurima sæpe ferunt.
Sed quæ credidimus bene cultis semina campis:
Vberius largo fœnore reddat ager.
Sic erit. interea niuei carchesia lactis
Fundite, & annoso mella liquata mero.
Ter'que satas circum', felix eat hostia, fruges:
Cæsa'que mox sanctos corruat ante focos.
Nunc satis hæc. post messëm alii reddentur honores:
Et sacras cingent spiceaserta comas.

Auræ, quæ leuibus percurritis æra pennis,
Et strepitis blando per nemora alta sono:
Serta dat hæc uobis: uobis hæc rusticus Idmon
Spargit odorato plena canistra croco.
Vos lenite æstum, & paleas seiungite inanes:
Dum medio fruges uentilat ille die.

Ille tuus Pan montiuage uenator Iolas
Suetus in audaces cominus ire feras:
A quo & adhuc rictusque suum, exuiasque leonum
Sacra tibi agrestis munera pinus habet:
Nunc iam annis gratis hæc deuicti cornua cerui
Dedicat, imbelli congrua dona seni.
Cum tamen herculeæ facta inter fortia clauæ
Is quoque sit laudem uisus habere labor.
Tu Diue hæc inter uiridis decora illa iuuentæ
Suscipe: neue illis esse minora puta.

Hanc uitem, multa quæ semper fertilis uua
Haud unquam domini fallere uota solet:
Nunc etiam large florentem, consecrat ipse
Vineti cultor Damis Iacche tibi.
Tu face Diue tua hæc spem non frustretur: & huius
Exemplo fructum uinea tota ferat.

Longius a pecore errantem per deuia taurum
Dum sequitur nemorum per iuga longa Lycon:
Errantem scopulo capream conspexit ab alto:
Continuo certo deiecit hanc iaculo.
Mox etiam catulos sola sub rupe iacentes
Inuenit: hos Crocali donat habere suæ.
E' caprea in uiridi statuit conuiuia luco:
Addidit & ueteris pocula multa meri.
Quod reliquum est, Pan semicaper cum cornibus ipsis
Suspensum e' pinu hac tu tibi tergus habe.

Quod tulit optata tandem de Leucade Thyrsis
Fructum aliquem: has uiolas dat tibi sancta Venus.
Post septem hanc sensum obrepens, tria basia sumpsit:
Nil ultra potui: nam prope' mater erat.
Nunc uiolas, sed plena feram si uota: dicabo
Inscriptam hoc myrtum carmine Diua tibi.
Hanc

XXVI

Hanc Veneri myrtum Thyrsis, quod amore potitus
Dedicat, atque una seque suosque greges.

Et quercum, & syluam hanc ante omnia Thyrsis amabit:
Et certo feret his annua uota die:
Dum poterit memor esse, quod hac primum ille sub umbra
Ultima de cara Leucade uota tulit.

Venator celerem mœrens Augona Melampus
Confossam rapido dente ferocis apri:
Hac illi in ripa tumulum, frondente sub umbra,
Erigit: hoc ipso concidit ille loco.
Non impune quidem prædo sceleratus abiuit:
Procubuit iaculis cæsus & ore canum.
Tu tamen e cunctis canibus præstantior Augon,
Fide Augon, syluis qui modo terror eras:
Tu dilecte iaces. sed ab alta hac fascia pinu
Millus'que, & millo uincula iuncta suo:
Quin decisa feri ceruix tibi pendeat hostis:
Sint'que una ex animo signa dolentis heri.

Et gelidus fons est: & nulla salubrior unda:
Et molli circum gramine terra uiret:
Et ramis arcent soles frondentibus alni:
Et leuis in nullo gratior aura loco est:
Et medio Titan nunc ardentissimus axe est:
Exustus'que graui sydere feruet ager.
Siste uiator iter: nimio iam torridus æstu es:
Iam nequeunt lassī longius ire pedes.
Accubitu langorem, æstum aura, umbra'que uirenti,
Perspicuo poteris fonte leuare sitim.

Ante canes omneis pastori carus Amyntæ
Nuper ab illyrico litore missus Hylax,
Dum solitas agit excubias, & septa tuetur:

Nec uigilant socii cætera turba canes:
Qua rapidus se se media inter saxa Timauus
Mergit: & inde iterum profluit amne nouo:
Ille quidem sæua uitulos tutatus ab ura est:
Ipse sed ingenti uulnere cæsus, obit.
Constituit uiridi tumultum de cæspite Amyntas:
Hæc uoluit raram præmia habere fidem.
Mœsta gemunt armenta: mali fures'que, lupi'que
Extincto hoc sibi iam cuncta licere putant.

Dat Cereri has Telephon spicas, hæc ferta Lyeo,
Hæc niuei lactis pocula bina, Pali.
Pro quibus arua Ceres, uites sæcundet Iacchus:
Sufficiat pecori pabula læta Pales.

Cum primum clauso pecus emittetur ouili:
Urbs mea Leucippe cras adeunda mihi est.
Huc ego uenalem'que agnum, centum'que, Charido
Ipsa mihi mater quæ dedit, oua fero.
Afferri tibi uis croceos, niueos'ue cothurnos?
An'ne colum, qualem nata Lyconis habet?
Ipse feram quæ grata tibi. tu basia iunge:
Gaudia Leucippe nec mihi grata nega.
Cras, ubi nox aderit, odiosæ elabere matri:
Has'que inter corylos ad tua dona ueni.

Illi in amore pares, uicini cultor ægelli
Thyrsis, cum'que suo Thyrside fida Nape.
Ponimus hos tibi Cypri immortales amaranthos:
Lilia'que in sacras ferta parata comas:
Scilicet exemplo hoc, nullo debilis æuo
Floreat æternum fac dea noster amor.
Sit purus, talis'que utriusque in pectore candor:
In foliis qualem lilia cana ferunt.
Vt'que duo hi flores seruo nectuntur in uno:
Sic animos

Sic animos nectat una cathena duos.

Candida Niconoe uiduæ spes una Terillæ
 Montiuagas iaculo figere certa feras,
 Hunc tibi syluiopotens arcum Latonia ponit:
 Atque hæc in pharetra condita tela sua.
 Illam cara parens tenero sociauit Icasto:
 Ignotique iubet iura subire thori.
 Tu dea, si syluis ægre discedit ab altis:
 Si lacrimans cœtus deserit illa tuos:
 Tu bona sis, felixque illi: tu numine dextro
 Optata lætam fac dea prole domum.

Quæ duo fert collis fecundi uinitor Acmon
 Expressi primum cymbia plena meri:
 Hæc auidis musti satyris, mustique parenti
 Dat iucunde tibi uitis Iacche fator.
 Illi illæsa suis linquant uineta rapinis:
 Tu tua fac largis auctibus uua fluat.

Has Vulcane dicat syluas tibi uillicus Acmon:
 Tu sacris illas ignibus ure pater.
 Crescebant ducta e Sraci propagine syluis:
 Iamque erat ipsa bonis frugibus umbra nocens.
 Vre simul syluas: terra simul igne soluta
 Fertior largo foenore messis eat.
 Vre istas, phrygio nuper mihi confita colle
 Fac pater a' flammis tuta sit illa tuis.

Iam telas, calathosque, omnesque perosa labores,
 Quos uitæ quæstus pauperioris habet:
 Palladio radium cum templo appenderet Eufro:
 Iamque sequi Venerem constituisset: ait.
 Hactenus o' mihi culta uale dea: & hæc tua multi
 Instrumenta tibi plena laboris habe.

Quo' non sæpe greges subitis incurſibus acti
 Feſſa reclinarint in nudo corpora ſaxo.
 Et tamen hinc etiam crebri eiecere tumultus.
 Inſuetæque maris pecudes (miſerabile uiſu)
 Qua pelagi mediis iter intercluditur undis:
 Adriaticos uidere ſinus: & littore curuo,
 Pro uiridi cytiſo, pro molli graminis herba,
 Et ſpinis paliuri, & acuta carice paſtæ
 Potarunt ſalſas nitidis pro fontibus undas:
 Et ſæpe irati timuerunt murmura ponti.
 Quod ſi non nouus ex alto demiffus olympo
 Hanc cladem noſtris deus auertiſſet ab oris:
 Auſoniis eſſet nullus iam paſtor in agris.
 Nos miſeri patria extorres, rerum omnium egeni
 Ah dolor, externas longe erraremus ad urbes.
 Hic nobis dulces ſaltus, hic paſcua nota
 Reſtituit: tuti que inquit iam paſcite tauros:
 Iam ſolitas tuti collo ſuſpendite auenas:
 Et deſueta diu reſponſent carmina colles.
 Ergo omnes, ueluti & Phœbo, Pani que quotannis
 Paſtores certis ſtatuent tibi ſacra diebus
 Magne pater: noſtris que diu cantabere ſyluis.
 Te rupes, te ſaxa, cauæ te maxime Iuli
 Conualles, nemorum que frequens iterabit imago.
 At uero in noſtris quæcunque in ſaltibus uſquam
 Quercus erit: ut quæque ſuos dant tempora flores:
 Semper erit uariis ramos innexa coronis:
 Inſcriptum que geret felici nomine truncum.
 Tum quoties paſtum expellet: paſtas ue reducet
 Noſtrum aliquis pecudes: toties id mente reuoluens,
 Ut liceat factum eſſe tuo pater optime ductu:
 Nullus erit, qui non libet tibi laſte recenti:
 Nullus erit, qui non teneros tibi nutriat agnos.
 Quin audire preces niſi dedignabere agreſtes:
 Tu noſtra ante deos in uota uocaberis omnes.

Ipse ego bina tibi solenni altaria ritu
Et geminos sacra e' quercu lauro'que uirenti
Vicino lucos Nauceli in littore ponam.
Hic ripa passim in molli uiridante sub umbra,
Vere nouo dum floret ager: dum germinat arbos:
Dum uario resonant uolucrum nemora auia cantu:
Annua constituam festis conuiuia ludis.
Ductores pecudum hic omnes, ruris'que coloni
Contentent iaculo, & rapidi certamine cursus:
Horrida'que agresti nudabunt membra palæstra.
Ipse pecu & tenero uictor donabitur hædo.
Præterea dulci cantabit harundine Damon
Carmina, quæ puerum docuit Sebethius Aegon:
Olim cum procul hinc illis habitaret in oris.
Scilicet ut quondam Assyrii pastoris amore
Capta dea, & cœlum, & fulgentia sydera linquens,
Omnibus his cari præferret Adonidis ignes.
Fortunate puer tecum formosa Dione,
Vna' sondet oues: una' ad mulctralia ducit:
Atque immunda premit cœlestibus ubera palmis.
Dum te complexu teneat, non illa recusat:
Tecum inter pecudes uili requiescere culmo.
At Mars ipse deæ cura tabescit inani.
Fortunate puer, mediis pecus errat in agris:
Tu ulridi deiectus in umbra, aut carmina cantas:
Aut posita in Veneris gremio ceruice recumbis.
Illa tibi amplexus molles, illa oscula iungit:
Cara'que odoratis exornat tempora sertis.
Sed tu nimirum, sed felix tu quoque Damon,
Cui licuit toties Aegonem audire canentem:
Diuinæque senis sacros ediscere cantus.
Quod mihi magnæ pater, diuini si fata dedissent:
O quales tibi cantaret mea fistula laudes.
Et quodcunque tamen felix concedet Apollo,
Hoc te unum canet, hoc uni tibi seruiet omne.
Nec quicquam

Nec quicquam magis optarim, quam digna triumphis
 Posse tuis : uideor que canens tua maxima facta,
 Inferior nullo, non ipso Aegone futurus.
 Ipse suo ceteri mecum si carmine Daphnis:
 Ipse suo Daphnis cum carmine uictus abibit.
 Interea agrestis dignatus sibila cannæ,
 Dexter ades nobis: & quæ facis, ocia serua.

Florentes dum forte uagans mea Hyella per hortos
 Texit odoratis lilia cana rosas:
 Ecce rosas inter latitantem inuenit amorem:
 Et simul annexis floribus implicuit.
 Luctatur primo: & contra nitentibus alis
 Indomitus tentat soluere uincla puer.
 Mox ubi lacteolas, & dignas matre papillas
 Vidit, & ora ipsos nata mouere deos:
 Impositosque comæ ambrosios ut sensit odores:
 Quosque legit diti melle beatus arabs:
 I dixit mea; quare nouum tibi mater amorem,
 Imperio sedes hæc erit apta meo.

Nox bona, quæ tacitis terras amplexa tenebris
 Dulcia iucundæ furta tegis Veneris.
 Dum propero in caræ amplexus, & mollia Hyellæ
 Oscula: tu nostræ sis comes una uiæ.
 Ne'ue aliquis nostros possit deprehendere amores:
 Aera coge atras densius in nebulas.
 Gaudia qui credit cuiquam sua: dignus, ut unquam
 Dicier illius nulla puella uelit.
 Non sola occultanda cauis sunt orgia cistis:
 Solæue Eleusinæ sacra silenda deæ.
 Ipse etiam sua celari uult furta Cupido:
 Sæpius & poenâs garrula lingua dedit.
 Vna meos, quos & miserata est, nouit amores
 Officiis nutrix cognita fida suis.

Hæc quæ me foribus uigilans expectat in ipsis:
In'que sinum dominæ sedula ducit anus.
Hanc præter, tu sancta, latent qua cuncta, silent'que,
Tu dea sis flammæ conscia lola meæ:
Quæque libens altat nostrorum testis amorum
Nobiscum tota nocte lucerna uigil.

Oppositæ obstabant nostris prius auctibus ædes:
Nec nos cælum ulla, sol'ue iuuabat ope:
Disiectis herus his, solen'que admisit: & aura
Concessit nobis liberiore frui:
Hinc nos in tenues certatim tollimur auras:
Ornamur'que nouæ frondis honore caput.
At tibi, cui sacris musarum & Apollinis umbris
Exstructas libuit posthabuisse domos:
Perpetuo similes nostris sint frondibus anni:
Nobiscum augeant & tibi cuncta bona.

Quem toties uixisse anima redeunte renatum
Mutato fama est corpore Pythagoram:
Certe iterum ut docti cœlo generatus Asylæ
Viuat: ut antiquum seruet in ore decus.
Dignum aliquid certe uoluit: sic fronte seuera est:
Sic in te magno pectore totus abit.
Posset & ille altos animi depromere sensus:
Sed ueteri obstrictus religione, silet.

Iam tristi canos glacie concreta capillos
Afflatu tepidi fugit hyems Zephyri.
Iam nitidum os uer molle auras in luminis audet
Proferre: & teneros ferre per arua pedes:
Tempora diuersis tollens halantia fertis
Purpureo matris Cloridos e' gremio,
Summittit uarios tellus sæcunda colores:
Conuertit molles quo' puer ipse gradus.
Et passum,

Et passim, quacunq; uagos desleat ocellos :
 Diffugiunt toto nubila cuncta polo .
 It prope, & incutiens blandas in pectora flammæ,
 Omnia iucundo accendit amore Venus .
 Quam circum' uario texunt è flore coronas
 Perfusæ assyrio rore comam charites .
 Hinc atque hinc mille aligeri pueri assultantes
 Coniiciunt certa spicula acuta manu .
 Concipiunt dulces animalia cuncta calores :
 Pertulant' que uagi pabula læta greges .
 Ipse suam de colle canens Amaryllida pastor
 Pascens tenui carmine mulcet oues :
 Percussæ' que noua dulcedine corda uolucres
 Dant lætos passim per nemora alta sonos .
 Sola gemit, ramo' que sedens miserabilis alto
 Absumptum mater Thracia plorat' Itym .
 Di bene, quod nostræ tam longe a' finibus oræ
 Exactum hoc dira est in regione scelus .
 Heu puer infelix, matri dum brachia tendit
 Assueto cupiens se implicuisse sinu :
 Illa ferox animi, cæco' que agitata furore
 Auulsum duro diripit ense caput .
 Quid facis ah demens ? ferro quem perdis iniquo,
 Is lac dulce tuis hausit ab uberibus .
 Huic tu longinquam uotis optare senectam,
 Huic solita es teneras dicere blanditias .
 Heu miserum genitor nati, infelix' que sepulchrum,
 Vt tibi nunc toto pectore sensus abit :
 Infandæ nosti cum coniugis impia facta,
 Atque epulas mensis tristibus appositæ :
 Nempe furis : stricto' que ruis uiolentior ense :
 Sed sublata alis effugit illa nouis .
 Perpetuum fleat, ut merita est : longis' que querelis
 Antiqui poenas persoluant sceleris .
 Nos Turri, dum florifero uere omnia ridet :

Spirat & c' summis gratior aura iugis :
Nos hic, qua nitida pellucens riuulus unda
Labitur : & leni murmure dulce sonat :
Cantemus molles formosæ Amathusidos ignes :
Quid'que ferox arcu, quid face possit amor.
Armenias domat hic tygres, sæuasque lænas :
Eripit hic summo, cum libet, arma Ioui.
Hoc duce pallentes umbras oægrius Orpheus,
Tristia'que horrendi limina regis adit :
Nec timuit, sæuæ'ue Hecates immania monstra,
Armatas'ue atris Eumenidas facibus.
Hoc cogente, omni cum pectore consternatus
Abrupto nollet uiuere coniugio.
Paulatim Euridices, ueterum'que oblitus amorum
In Calaim tota mente Boreiadem
Exarsit : penitus'que insano perditus igne
Sensit feruentes intima ad ossa faces.
Formosæ o' Calai pulchræ genus Orythiæ
Te uirides syluæ, te caua saxa sonant.
In te suspirat : solum te cogitat Orpheus :
Per te sollicito nulla quies animo est.

Dum te blanda tenent æstiuas rura per umbras :
Delitiis nimium rura beata tuis :
Ecqua tui mea lux tangit te cura poetæ :
An meus e' toto pectore cessit amor ?
Cessit amor certe : soliti cessere calores :
Absentis meminit nulla puella uiri.
Non ita concussæ uersantur in arbore frondes,
Cum grauis aduersum uerberat aura nemus :
Quam' facile instabilem permutat foemina mentem,
Exclusus queritur, qui modo carus erat.
Non sic Penelope, non sic Capneia coniux
Antiqui meruit temporis esse decus.
Altera defuncti moerens ad busta mariti,
Noluit

Noluit abrepto uiuere sola uiro:
 Altera bis denos potuit durare per annos:
 Dum cupidos cauta detinet arte procos:
 Foemina nunc uarias tantum connectere fraudes
 Nouit, & in nulla certa manere fide.
 Quid queror hæc demens? duræ procul ite querelæ:
 Ite: decent tristes tristia uerba uiros.
 Lætus ego: hos neque enim sequitur mea Gellia mores:
 Mutare incertos nec solet illa thoros.
 Quin & mansit amor: soliti mansere calores:
 Absentis meminit nostra puella uiri.
 Multa tamen timeo: tu multa ignosce timenti.
 Hei mihi pars nostro nulla timore uacat.
 Ah quoties uereor, dum picta per arua uagaris:
 Dum rutilæ texit florida sertæ comæ:
 Ne ruat e' summis in te Saturnius astris:
 Sis'ue alii: cuius grata rapina deo.
 Pressit Amimonen mediis Neptunus in aruis:
 Dum premeret summum uirginis urna caput.
 In mediis Io campis perpeffa tonantem est:
 Horrida'que hirsuta cornua fronte tulit.
 Hinc quoque tartareo raptam Deoida curru
 Abstulit infernus in sua regna pater.
 Sydonis errabat nitidos Europa per agros:
 Cum medium ficto per mare uestæ boue est.
 Non tamen hos tantum causantur præta timores:
 Hei mihi quam' multos dat quoque sylua metus.
 Hic habitant latyr'que, & agrestia numina Panes:
 Et timor errantium Faunus Hamadriadum.
 Hic uersa in uirides Daphne peneia frondes:
 Hic fera mutato Parrhasis ore fuit.
 Hic & semicaper spreta Nonacrius Aegla
 Arcadiæ forma uirginis incaluit.
 Quod si tecum iisdem pariter uersarer in aruis:
 Et domus unanimes clauderet una duos:

Non ego coelicolum fraudes, non furta timerem:
Vndique me socio Gellia tuta fores.
Si uersa est Daphne: sicula Proserpina ab Aethna
Si uersa est stygiis in noua regna rotis:
Quid mirum? facile est deceptas fraude puellas
Fallere, nullius quas tueatur Amor.
Ipse ego perpetuo tecum mea uita manerem:
Sic possem nullos extimuisse deos.
Sæpe pererrabat tacitos Atalanta recessus:
Tuta tamen fido Mimalione fuit.
Cingeret obsessos seu curua indagine colles:
Seu cuperet sæuas cominus ire feras:
Hærebat lateri semper comes ille: nec unquam
A domina lato longius ungue fuit.
Ergo huic non summi fraudes nocuere tonantis:
In'que suo nullos sensit amore dolos.
Sic ego per syluas tecum, & per prata uagarer:
Grata essent sine te gaudia nulla mihi.
Nunc pariter nitida recubare iuuaret in umbra:
Et capere in uiridi somnia grata thoro.
Nunc pariter nuda fontes inuadere sùra:
Torrida dum siccus finderet arua canis.
Sæpius in syluis lepores captare fugaces:
Et uolucres fictis fallere carminibus.
Sæpius in denso conuiçia dicere luco:
Et madidas uerno flore ligare comas.
Sæpius umbroso choreas ductare sub antro,
Cum daret agrestes tibia pulsa sonos.
Ah quoties tales inter mea Gellia lusus
Iniicerem cupidas in tua colla manus:
Dulcia'que è roseis furarer basia labris,
Basia mi cunctis anteferenda bonis.
O niueam, siqua hæc referet mihi gaudia, lucem:
Gratior optatis non erit ulla meis.
Semper Erythreis signabitur illa lapillis:
Semper eris

Semper erit sacros inter habenda dies.
 Nunc, quoniam tecum me non licet esse, cauto
 Mutuus extincto ne cadat igne calor.

I O L A S.

Pascite oues teneras herbas per pabula læta,
 Pascite, nec plenis ignauæ parcite campis:
 Quantum uos tota minuetis luce, refectum
 Fecundo tantum per noctem rore resurget:
 Hinc dulci distenta tumescent ubera lacte:
 Sufficient'que simul fuscellæ, & mollibus agnis.
 Tu uero uigil, atque canum fortissime Teucon,
 Dum pascunt illæ late per prata, luporum
 Incurfus subitos, sæuasque auerte rapinas.
 Interea hic ego muscoso prostratus in antro
 Ipse meos solus mecum meditabor amores:
 Atque animi curas dulci solabor auena.
 O' formosa Amarylli, nihil te absente uidetur
 Dulce mihi: nunc & nitido uere omnia rident:
 Et uario resonant uolucrum nemora auia cantu:
 Exultim uirides ludunt armenta per herbas:
 Lasciu'que agni, infirmis'que artubus hædi
 Cornigeras matres per florida prata sequuntur.
 Non tamen ista magis sine te mihi læta uidentur:
 Quam' si tristis hyems, nymbis'que rigentibus horrens
 Agglomeret gelido canas aquilone pruinas.
 Dulce apibus flores, riui sitientibus herbis,
 Gramen oui, capræ cythisus, Amaryllis Iolæ.
 Non ego opes mihi, non cursu præuerrere uentos
 Optarim magis, aut pecoris quodcunque per orbem est,
 Quam' te Amarylli meis uinctam retinere lacertis:
 Et tecum has inter uitam deducere syluas.
 Est mihi præruptis ingens sub rupibus antrum,
 Quod croceis hederæ circum' sparsere corymbis:

Vestibulum'que ipsum syluestris obumbrat oliua :
Hanc propè fons , lapide effusus qui defilit alto,
Defertur rauco per læuia saxa susurro :
Hinc late licet immensi uasta æquora ponti
Despicere, & longe uenientes cernere fluctus .
Hoc mecum simul incoleres Amarylli : simul'que
Mecum ageres primo pecudes in pascua sole :
Mecum abeunte die pecudes caua in antra uocares .
Sæpe etiam denso in nemore , aut conualle uirenti
Dum tenue arguta modularer harundine carmen :
Tu mecum ipsa esses simul , astares'que canenti :
Quin & nunc pariter caneres : nunc dulcia nostro
Basia'que, & ueneris misceres gaudia cantu :
O' solum hoc superi misero concedite amanti .
Tum licet & rapiantur oues , rapiantur & agni ,
Ipse tamen Croeso mihi ditior esse uidebor .
Mollibus in pratis Lycidæ post Daphnidis hortos ,
Purpureos flores texenda inserta legebas :
Cum te succincta tunica , fufis'que capillis ,
Et uidi simul, & totis simul ossibus arsi .
Ponè sequebatur Gorge soror , & tamen audax
Accessi : sum'que ipse meos tibi falsus amores .
Risisti , & sertum , nitida quod fronte gerebas ,
Tanquam ex se cecidisset humi , iecisti , abiens'que
Liquisti , aduertens collegi protinus ipse :
Seruaui'que : & adhuc tanquam tua munera seruo .
Et quamuis dudum foliis languentibus aret :
Non tamen est sertum quicquam mihi carius illo .
Ex illo , semper'que fui tibi deditus uni ,
Pulchra'que nulla meis oculis te præter habetur .
Sæpe mihi Alcippe uicina & munera misit :
Et dixit , formosè puer , quæ munera mittit ,
Mittit & ipsum animum : tu & munera suscipe , & illum .
Sed potius Amarylli alio quam' tangar amore ,
Sudabunt humiles flauentia mella geniste :

Et molles

Et molles uiolæ dura nascuntur in orno :
 Inculti que ferent candentia lilia uepres .
 Et mœstis ululæ cædet philomela querelis .
 Quantum uer formosum hyeme est iucundius atra :
 Quantum mite pirum sorbis est dulcius ipsis :
 Quantum hirsuta capella suo setosior hoedo :
 Quantum nocturnis obscuri uesperis umbris ,
 Punico exurgens aurora nitentior ortu est :
 Tantum Amarylli aliis mihi carior ipsa puellis .
 Hæc testes mihi sunt syluæ , uicina que syluis
 Populus hæc : cuius tale est in cortice carmen .
 Vellera cum setis aries mutarit , & hyrcus
 Velleribus setas , Amaryllida linquet Iolas .
 Sed nos dum longum canimus , iam rosca luna
 Apparet cœlo : & rapidus deferbuit ardor
 Demerso iam sole : tamen miser ardet Iolas .
 Nimirum nostros nequeunt lenire calores ,
 Nec quæcunque rigent Rhyphæo in monte pruina ,
 Nec quæcunque simul gelido durantur in Hebro :
 Fors tamen hos illa ipsa , potest quæ sola , leuabit .
 Sperando interea duros solabimur ignes .
 At uos , ne sero dum nox insurgit olympo ,
 Præsidio umbrarum fretus malus ingruat hostis ,
 Iam pastri secuta greges in ouilia abite .

Quam tibi nunc Iani donamus Hyella calendis
 Exprimit hæc uultus parua tabella meos :
 Nulla fuit cuiquam similis mage , pallet imago ,
 Assiduus nostro pallor in ore sedet .
 Est excors , sine corde & ego , quod pectore nostro
 Ipse amor ereptum sub tua iura dedit .
 Non loquitur , mihi sic tua cum datur ora tueri :
 Torpet nescio quo lingua retenta metu :
 Vnum dissimile est nobis : felicius uno est
 Tam seua quod non uritur illa face .

Quod si etiam uretur, tuo enim sub lumine quicquam
Illæsum flammis non licet ire tuis:
Non ut ego assiduo infelix torrebitur igne:
In cinerem primo corruet illa foco.

Beate somne, nocte qui hesternæ mihi
Tot attulisti gaudia:
Vtinam deorum rector ille cœlitum
Te e' cœtu eorum miserit:
Quæ sapius mortalibus uera assolent
Mitti futuri nuntia.
Tu, quæ furenti surdior freto meas
Superba contemnit preces:
Facilem Næram præbuiſti: quin mihi
Mille obtulit sponte oscula:
Oscula, quæ Hymeti dulciora sint fauis:
Quæ suauiora nectare.
Vere beate somne, quod si sapius
His diue me afficias bonis:
Felicior cœlestibus deis ero,
Summo nec inferior Ioue.
At tu proterua quolibet fuge: eripe
Complexibus te te meis:
Si somnus iste me frequens reuiserit:
Tenebo te, inuitam licet.
Quin dura sis, sis quamlibet ferox: eris
Et mitis, & facilis tamen.

Canale optime, tu'que Bembe, nostri
Amantissimi utrique, amati utrique
A' me non minus atque utrique ocelli,
Quid rerum geritis? ualetis? atque
Absentis memores sodalis estis?
Quid uestræ faciunt bonæ camœnæ?
Scripserunt ne

Scripserunt ne aliquid noui, meum post
 Discessum? puto: nanque quicquid oci
 Per uestras datur occupationes,
 Id uos in studiis bonis locatis.
 Ad me mittite siquid ædidistis,
 Oro: nec socium bonum negate
 Vestri participem leporis esse.
 Sed quid cum Venere ipsa, amoribusque
 Quam uobis bene conuenit? caletis?
 Amatisne? dei deæque faxint
 Et feliciter, & bene ipsi ametis:
 Quamque ego leuiusque, leniusque.
 Heu heu me miserum mei sodales
 Quam læuo teneor furore: quam mi
 Totus, quam grauis incubat Cupido.
 Non quod non amer: intimis medullis
 Ardet me mea Hyella, perditæque
 Quantum quid pote perditissimum esse.
 Verum hoc me excruciat magis: potiri
 Mea nam uetitum mihi puella.
 Quod si quando licet: nihil leuatur,
 Sed ferus magis excitatur ardor.
 Nam cum nec saturum recedat inde
 Cor mi: nec furor expleatur unquam
 Caris basioli, papillulisque,
 Atque his, qui miserum necant, ocellis:
 Augescit magis, & magis. quid heu heu
 Aduerso paterer deo, atque iniquo:
 Si hæc incommoda sunt secundo amore?

Quamuis te peream æque Hyella totam:
 Nec pars sit mea lux tui ulla, quæ me
 Sæuo non penitus perurat igne:
 Fulgentes tamen illi, amabilesque

Illi, syderibus pares ocelli
Nostri maxima causa sunt furoris.
O' cari nimis, o' benigni ocelli,
O' dulci mihi melle dulciores,
Quando uos misero mihi licebit
Vique ad millia millies trecenta,
Aut ultra hæc etiam, suauiari?
Di concedite mi, hoc misello amanti:
Dein nil graue perpeti recuso:
Quin & si peream, lubens peribo.

Dispeream nisi tu uita mihi carior ipsa,
Atque anima, atque oculis es mea Hyella meis.
Dispeream nisi ego uita tibi carior ipsa,
Atque anima, atque oculis sum mea Hyella tuis.
Nec satis hoc: uellem pote quicquam his esset haberi
Carius, ut posses carior esse mihi.
Tu quoque idem uelles, pote quicquam his esset haberi
Carius, ut possem carior esse tibi.
Di facite hæc longos concordia duret in annos,
Tam'que bonos mutant secula nullam animos.

Iam cœli referat fores
Aurato e' thalamo exiens
Mater Memnonis, & diem
Lato prouocat ore.
Nos te maxime maximi
Minister canimus patris:
Quo nullus qui hominum genus
Tam præfens iuuat, usquam est.
Tu nostras celer ad preces,
Aures protinus ad deum has
Defers: nec tenues finis
Euanescere in auras.
Tu, dum fers noua nuntia

Virgini

Virgini ætherio patri
 Dilectæ, quibus indicas
 Magni uora tonantis :
 Nobis ters noua nuntia :
 Quis è faucibus impij
 Erepti hostis, in aurea
 Coeli templa uocamur.
 Adfis o bone : & in dies
 Semper nos propius iuua :
 Nec patrocinio tuo
 Vnquam mitte tueri.

Vrbs, quam uetusto uestus ab Illo
 Post fata Troum tristitia, post graues
 Tot patriæ exhaustos iniquo
 Tempore, tot pelago labores,
 Ducente demum Pallade, qua rapax
 Cultos per agros Medoacus fluit,
 Diis fretus Antenor secundis
 Condidit, Euganeis in oris.
 Tu nuper flos, & decus urbium,
 Quasunque tellus Itala continet :
 Magnas tot artes, tot uirorum
 Ingenia, & studia una alebas.
 Te septicornis Danubij accola,
 Te fulua potant flumina qui Tagi,
 Longæque semoti Britanni
 Cultum animi ad capiendum adibant.
 At nunc, acerbi heu sæua necessitas
 Fati, seueras ut pateris uices :
 Vt te ipse uastatam uel hosti
 Conspicio miserandam iniquo.
 Quid culta tot pomaria conquerar ?
 Tot pulchra flammis hausta suburbia :
 Quid glande deturbata athena

Mœnia : præcipitemque læui
Mauortis iram : bellaque persequar
Horrenda : squammis ille adamantinis,
Ferroque confertam rigenti
Induerat chlamydem trilicem .
Fremensque , & atrum lethifera manu
Telum coruscans , secum odia , & necis
Contemptum , & insanos tumultus ,
Secum animos , rabiemque agebat .
Ille urbe ab imis sedibus eruta
Impleffet omnes funeribus domos :
Non ille uel sexu , uel ullo
Efferus abstinuisset xuo .

Qui modo ingentes animo parabam
Benbe bellorum strepitusque , & arma
Scribere , hoc uix exiguo male audax
cammine serpo .
Nampe amor magnos uiolentus ausus
Fregit iratus : uelut hic tonantem
Cogit , & fulmen trifidum rubenti
ponere dextra .
Sic eat , fors & sua laus sequetur
Candidæ uultus Lalages canentem , &
Purius claro radiantis astro
frontis honores .
Nota Lesbæe lyra blanda Sapphus :
Notus Alcæi Lycus altiori
Scripserit quamuis animosum Homerus
pectine Achillem .

Dia Tithoni senioris uxor ,
Quæ diem uultu radiante pandis :
Cum genas

Cum genas effers roseas rubenti
præuia soli:

Roscidos ut nunc per agros uagari
Sub tuo aduentu iuuat: & recentis,
Quæ tuos semper comitantur axes,
excipere auras.

Sicca iam sæuus calor uret arua:
Iam uagi aurarum leuium fiescent
Spiritus: iam sol rapidus furentes
exeret ignes.

Dum licet, læti simul ite amantes:
Dum licet, molles pariter puellæ
Ite flauentès uario capillos
nectite sero.

Nunc simul telis positis amores
Matris hærentes lateri, & decentes
Gratiæ plenos referunt resecto
flore quasillos.

Per feros saltus, per iniqua lustra
Vndique occultas agitans latebras
Fertur, & syluas uaria ferarum
strage cruentat,

Clara Latonæ soboles: nitenti
Huic comæ in nodum religantur auro:
Pendet aurata ex humeris pharetra:
pendet, & arcus.

Circum' eunt nymphæ simul: illa cursu
Gaudet effusos agitare ceruos:
Hanc iuuat certis iaculis fugaces
figere lynceas.

Nunc ab umbroso simul esculeto
Daulias late queritur: querelas
Consonum circa nemus, & iocosa
reddit imago.

Nil tecum mihi iam Phœbe est, nil Nox mihi tecum :

A' uobis non est nox'ue, dies'ue mihi.

Quantum ad me, ut liber auricomo Sol igneus axe

Exeat coe Thethyos e' gremio :

Vt liber, inducat tacitas Nox atra tenebras :

Fert mihi noctem oculis, fert mihi Hyella diem.

Nam quoties à me nitidos auertit ocellos :

Ipsa in luce etiam nox tenebrosa premit.

At quoties in me nitidos conuertit ocellos

Candida & in media fit mihi nocte dies.

Diua, quæ has cœli generatim in auras

Cuncta producis : cupidum'que amorem

Vndique infundens, facis, ut perenne

sæcla propagent :

Qua nihil lætum sine, amabile est nil :

Nil'que iucundum : sine qua nec ipse

Gratæ erunt cuiquam Charites, nec ipsa

blanda uoluptas :

Dum tibi lætus reparatur orbis :

Dum per herbosos pecus omne campos

Vim tuam sentit : tibi plaudit omnis

diua uolucris :

Dum nihil, quamuis rigidum, ferox'que est,

Ossibus quod non penitus sub imis

Sit tua tactum face : quod tuos non

sentiat ignes :

Vna erit flammæ, & amoris experts :

Vna secura his Lalage resister ?

Tange age ultrici dea, pertinacem

tange flagello.

Quod si ita tanges, fera ut obstinatum

Applicet nostris animum querelis,

Nec preces ultra miseræ, superba

negligat aure :

Conferam

XXXVIII

Conferam lætam tibi diua myrtum,
 Vancius qua se roſifer reuoluit:
 Hanc mero ſupplex, niueo & rigabo
 lacte quotannis.

Hanc & immiſtæ pueris puellæ
 Circum' agent lætas pariter choreas:
 Téque prima unam, ſimul ultima unam
 uoce canent te.

Te canent unam, uolucrum'que natum:
 Qui ferox, duro & ſimilis parenti,
 Acer & flamma eſt, & agente certum
 cuſpide uulnus.

Spargam odoratas uiolas, roſas'que
 Ipſe ego, uoti'que reus ſecabo
 Grata torquatz ante tuas columbæ
 guttura flammæ.

Quid magis aduerſum bello eſt? belli'que tumultu
 Quam' Venus? ad teneros aptior illa iocos.

Et tamen armatam hanc magni pinxere Lacones,
 Imbelli'que data eſt bellica parma dex.

Quippe erat id ſignum fori Lacedæmone natum:
 Sæpe & foemineum bella decere genus.

Sic quoque non quod ſim pugna uerſatus in ulla,
 Hæc humeris piſtor induit arma meis.

Verum hoc quod bello, hoc patriæ quod tempore iniquo
 Ferre uel imbellem quemlibet arma decet.

Borgettus lepidus catellus ille,
 Cuius blanditias proteruioreſ,
 Et luſus herus ipſe tantum amabat,
 Quantum tale aliquid poteſt amari.
 Nec mirum dominum ſuum ipſe norat,
 Caram bima uelut puella matrem:
 Et nunc illius in ſinu latebat:

Nunc blande afflicbat huc & illuc
Ludens, atque auido appetebat ore,
Erectis modo cruribus, bipes'que,
Mensæ astabat herili, hero'que ab ipso
Latrato tenero cibum petebat.
Nunc raptus rapido malo'que fato
Ad manes abiit tenebricosos.
Mifelle o' canis, o' miser catelle
Nigras paruulus ut timebis umbras:
Vt sæpe & dominum tuum requires:
Cui pro delitiis, iocis'que longum
Heu desiderium tui relinquis.

Vos mihi nunc magnos partus, ortus'que beatos
Felicis pueri, quo pingua culta uetusti
Naonis exultant, quo Carnia tota superbit:
Dicite picrides. uos illum e' matre cadentem
Exceptis'que sinu: & uestris fouistis in ulnis:
Et teneram molli cinxistis baccare frontem.
Nec uero uos tantum has accessistis ad oras,
Nec solæ uenistis ad hæc uos munera musæ:
Affuit ipsa etiam pariter, spargens'que salubres
Pyxidos arcanæ succos, partus'que dolores
Leniit: & matrem foetu Lucina leuauit.
Affuit Idalio ueniens e' colle Dione:
Nectare odorato crines perfusa fluentes.
Assuetæ'que leues Charites ductare choreas.
Hæ simul ambrosia puerum lauere liquenti:
Et paruas tenui cunas strauere lygustro.
Venit & undifluis properans Naucelus ab antris:
Quem propè cœruleo e' fluctu formosa Metune
Ibat: eos circum' uiolas'que rosas'que rubentes
Vimineis nymphæ calathis, & sarta ferebant
Purpureo e' narcisso, e' que auricomo chrysantho.
Quæ postquam totas passim sparsere per ædes:
Iucundò'que

Iucundo'que domus late fragrauit odore:
 Protinus ecce Iouis magni de limine paræ,
 Antiquæ paræ, niueo quis corpora amictu,
 Cana'que chaonia uelantur tempora quercu.
 Hæ postquam & matrem complexæ, & fronte serena
 Oscula iunxerunt paruo felicia nato:
 Candida uersato torquentes uellera fuso,
 Fatidico tales fuderunt pectore uoces.
 O' fausto nimium cælo, diuis'que benignis,
 Nate puer, cresce, & dulces solare parentes:
 Et fatis lætare tuis. tu'que optima mater,
 Tu'que boni genitor pueri, quos omine dextro
 Castus hymen quondam thalamo sociauit in uno:
 Accipite hæc lætis animis, neu posse moueri
 Credite quæ uero concordēs ore canemus.
 Q ualis in aprico se tollit amaracus horto:
 Q uam studio solers omni formosa puella
 Ipsa suos alit in lusus: & lenibus undis
 Irrigat: illa leuis paulatim surgit in auras
 Pulchrior: & dulcem late diffundit odorem.
 Sic puer augescens primo se tollet in æuo:
 Nec se quisquam illi formoso conferet ore.
 Mox ubi iam ualidus teneris excesserit, annis:
 Tunc illum sacras artes, doctæque docebunt
 Aonides, princeps'que chori formosus Apollo.
 Illi & diuini latices Aganippidos undæ,
 Et uirides Hemi saltus, Pindi'que patebunt.
 Mars quoque bellipotens simul, & Tritonia uirgo
 Muneribus bellorum, & sœuis instruet armis.
 Doctior haud illo quisquam seu cominus ense,
 Seu sit opus ualida concurrere longius hasta:
 Siue inflectere equum, atque arctis compescere habenis:
 Seu libeat laxare, & aperto currere campo.
 O' quoties medio feruentem in turbine belli
 Conuersæ fugient acies: at percitus ille

Obuia quæque metet infesto corpora ferro.
Non secus ac præceps hyberno flumine torrens,
Cum tumidus late, ac pluuiis hyemalibus auctus
Proruit aduersas infano uortice syluas:
Obstantesque trahit ripas: camposque per omnes
Cum sonitu ruit: & rapido rotat omnia fluctu.
Fortunate puer: nunquam non uictor in hostem
Bella gerēs: magnique æquabis facta parentis.
Ille olim magnos Gallorum strauit aceruos:
Italaque hostili manarunt arua cruore:
Tum, cum cæsa uirum serpens per corpora Lyris
Aequoreas cursum uix tandem inuenit in undas.
Ille idem gelida cum gens immanis ab arcto
Aufonios passim se se effudisset in agros:
Audaces animos ingenti strage repressit:
Alpinaeque niues Germano sanguine tinxit.
Nunc quoque fallaces abrupto fœdere Gallos
In latios iterum fines, prædamque ruentes
Proteret: & uictos (diuinis credite parcis)
Italia expellet: cæloque æquabit honores.
At tu siqua tuo restabunt bella parenti:
Aufoniam inenso nec dum pacarit ab hoste:
Ipse tua fidens animi uirtute subibis
Hæc primum: mox externas egressus in oras
Implebis totum factis audacibus orbem.
Te duce & Aufonix rursus rediuiua resurget
Gloria: & antiquum late uictoricibus armis
Reddetur Latio imperium. tua signa timebunt
Vna omnes passim populi, quaque incidit alto
Aequore, & oceano feruentes abluuit axes,
Qua que coloratis effert se Phœbus ab Indis.
Tum demum placida contentus pace quiesces:
Sæuaque miscet posito discordia ferro.
Aurea tum ueniet sæclis melionbus ætas:
Felicesque anni, & Saturnia regna redibunt:
Tum pax

Tum pax alma colet terras, Aſtrea'que uirgo :
 Immerſum'que gernet ſtygio ſcelus omne baratro .
 Felices, qui tam læto naſcentur in æuo .
 Tu uero ante alias ſuperis gratiſſima tellus,
 Quam tanto diuum genitor dignatur alumno ,
 Tu nitidas paſſim fruges, arbuſta'que læta ,
 Sponte tua, nullo'que hominum cogente labore
 Produces : humiles ſudabunt mella geniſtæ :
 Incultæ'que ferent candentia lilia uepres .
 Finierant parçæ . tum Iuppiter æthere ab alto
 Intonuit læuum : & cœli de parte ſerena
 Perſpicuus multo fulgor cum lumine fulſit .

E X P H I L E M O N E .

Siquid remedi lacrimæ afferrent malis :
 Minor'que ſemper fieret lugenti dolor :
 Auro parandæ lacrimæ nobis forent .
 Sed nil here iſtæc proſunt : res ipſæ nihil
 Mouentur iſtis : ſiue tu ſemper fleas ,
 Seu nunquam, eandem pergere inſiſtent uiam .
 Quid his iuuamur ergo ? nil certe : at dolor
 Vt ipſa fructus arbor, ſic lacrimas habet .


E X M A E N A N D R O .

Nam ſi te alumne genitrix cum peperit tua ,
 Hac forte es unus omnium in lucem æditus :
 Tibi cuncta ut euenirent quæ uelles bona :
 Id'que annuit magnorum quiſpiam deum :
 Iure optimo indignaris : ualde enim is tibi
 Fallax repertus . quod , ſi eiſdem legibus
 Quibus nos omnes (tragicis ut uerbis loquar)
 Aque patentem cunctis aerem trahis :
 Ferenda ſunt hæc leuius , & omnis rectius

Ratio habenda. denique hæc summa est, puta
Hominem esse te, quo nullum animantium omnium
Extolli, itemque deprimi citius solet.
Ipsumque id haud iniuria, minimarum enim
Id uirium est: & maximis semper studet:
Plurimaque secum commoda conterit cadens.
Tu uero & magna non amisisti bona,
Et mediocria sunt ipsa ea, quæ pateris mala.
Ergo & modeste alumne quod reliquum est feras.

Salue cura deum, mundi felicior ora,
Formosæ Veneris dulces saluete recessus:
Vt uos post tantos animi, mentisque labores
Aspicio, lustrisque libens: ut munere uestro
Sollicitas toto depello e pectore curas.
Non aliis Charites perfundunt candida lymphis
Corpora: non alios contextunt fæta per agros.

Defunt nonnulla quæ
erant in litura.



IMPRÆSSVM VENE/
TIIS AMICORVM
CVRA QVAM PO/
TVIT FIERI
DILIGEN/
TER.

Prælo

Ioan. Tacuini.

M. D. XXX.

IIII. ID.

MART.

CAVTVM nequis Librarius hæc in/
pune describat, uenda'ue, prout in Senatus Ve/
neti, ac totius Italiz Principum decretis patet.

THE
LIBRARY
OF THE
MUSEUM
OF
COMPARATIVE ZOOLOGY
AT
HARVARD UNIVERSITY
CAMBRIDGE, MASS.

RECEIVED
JAN 10 1900
FROM
THE
LIBRARY
OF THE
MUSEUM
OF
COMPARATIVE ZOOLOGY
AT
HARVARD UNIVERSITY
CAMBRIDGE, MASS.











